

T 7903/7621 (38)

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY.

SEP 30 1959

蘭室秘藏卷中

東垣老人

哈佛大學
李圖書
吳勉學
校

明新安吳勉學校

頭痛門

頭痛論

金匱真言論云東風生於春病在肝俞在頸項故春
氣者病在頭又諸陽會於頭面如足太陽膀胱之脉
起於目内眥上額交巔上入絡腦還出別下項病衝
頭痛又足少陽膽之脉起於目銳眥上抵頭角病則
頭角額痛夫風從上受之風寒傷上邪從外入客於

經絡令人振寒頭痛身重惡寒治在風池風府調其
陰陽不足則補有餘則瀉汗之則愈此傷寒頭痛也
頭痛耳鳴九竅不利者腸胃之所生乃氣虛頭痛也
心煩頭痛者病在耳中過在手巨陽少陰乃濕熱頭
痛也如氣上不下頭痛癩疾者下虛上實也過在足
少陰巨陽甚則入腎寒濕頭痛也如頭半邊痛者先
取手少陽陽明後取足少陽陽明此偏頭痛也有真
頭痛者甚則腦盡痛手足寒至節死不治有厥逆頭
痛者所犯大寒內至骨髓髓者以腦為主腦逆故令
頭痛齒亦痛凡頭痛皆以風藥治之者總其大體而

言之也高頭之上惟風可到故味之薄者陰中之陽
乃自地升天者也然亦有三陰三陽之異故太陽頭
痛惡風脉浮緊川芎羌活獨活麻黃之類為主少陽
經頭痛脉弦細往來寒熱柴胡為主陽明頭痛自汗
發熱惡寒脉浮緩長實者升麻葛根石膏白芷為主
太陰頭痛必有痰體重或腹痛為痰癖其脉沉緩蒼
朮半夏南星為主少陰經頭痛三陰三陽經不流行
而足寒氣逆為寒厥其脉沉細麻黃附子細辛為主
厥陰頭項痛或吐痰沫厥冷其脉浮緩吳茱萸湯主
之血虛頭痛當歸川芎為主氣虛頭痛人參黃芪為

主氣血俱虛頭痛調中益氣湯少加川芎蔓荊子細辛其効如神白朮半夏天麻湯治痰厥頭痛藥也青空膏乃風濕熱頭痛藥也羌活附子湯治厥陰頭痛藥也如濕氣在頭者以苦吐之不可執方而治先師嘗病頭痛發時兩頰青黃暈眩目不欲開懶言身體沉重兀兀欲吐潔古曰此厥陰太陰合病名曰風痰以局方玉壺丸治之更灸俠谿穴即愈是知方者體也法者用也徒執體而不知用者弊體用不失可謂上工矣

青空膏

治偏正頭痛年深不愈者善療風濕熱頭上壅損目及腦痛不止

川芎 伍錢

柴胡 柒錢

黃連 炒

防風 去芦

羌活 已上各壹兩

炙甘草 壹兩伍錢

細挺子黃芩

參兩去皮剉一半酒製一半炒

右爲細末每服二錢七於盞內入茶少許湯調如膏抹在口內少用白湯送下臨卧

如苦頭痛每服加細辛 貳分

如太陰脉緩有痰名曰痰厥頭痛減羌活防風川芎

甘草加半夏 壹兩伍錢

如偏正頭痛服之不愈減羌活防風川芎一半加柴胡壹倍

如發熱惡熱而渴此陽明頭痛只與白虎湯加好吳

白芷

微清膏

蔓荊子

細辛已上各壹分

薄荷葉

川芎已上各叁分

生甘草

熟甘草已上伍分

藁本壹錢

右為細末每服二錢食後茶清調下

川芎散

治頭目不清利

川芎叁分

柴胡柒分

羌活

防風

藁本

生甘草

升麻已上各壹錢

熟甘草

酒生地黃貳錢

酒黃連炒

酒黃芩已上各肆錢伍分

右為細末每服一錢或二三錢食後茶清調下忌

酒濕麵

白芷散一名鬱金散

治頭痛

鬱金壹錢

香白芷

石膏已上各貳錢

薄荷葉

芒硝

已上各
參錢

右為極細末口含水鼻內啗之

碧雲散

治頭痛

細辛

鬱金

芒硝

已上各
壹錢

蔓荆子

川芎

已上各壹
錢貳分

石膏

壹錢
參分

青黛

壹錢
伍分

薄荷葉

貳錢

紅豆

壹箇

右為極細末口噙水鼻內啗之

羌活清空膏

蔓荆子

壹錢

黃連

參錢

羌活

防風

甘草

已上各
肆錢

黃芩

壹兩

右為細末每服一錢茶清調下食後臨卧

清上瀉火湯

昔有人年少時氣弱常於氣海三里灸之節次約
五七十壯至年老添熱厥頭痛雖冬天大寒猶喜
寒風其頭痛則愈微來暖處或見烟火其痛復作
五七年不愈皆灸之過也

荆芥穗

川芎

已上各
貳分

蔓荆子

當歸身

蒼朮

已上各
參分

酒黃連

生地黄

藁本

甘草

已上各
伍分

升麻

防風

已上各柒分

酒黃蘗

炙甘草

黃芪

已上各壹錢

酒黃芩

酒知母

已上各錢伍分

羌活

叁錢

柴胡

細辛

少許

紅花

少許

右剉如麻豆大分作二服每服水二盞煎至一盞去粗稍熱服食後

補氣湯

服前藥之後服此藥

柴胡

貳分

升麻

叁分

黃芪

捌分

當歸身

貳錢

炙甘草

肆錢

紅花

少許

右咬咀作二服水二盞煎至一盞去粗稍熱服食後

細辛散

治偏正頭痛

細辛

瓦粉

已上各貳分

生黃芩

芍藥

已上各伍分

酒黃連

川芎

已上各柒分

炒黃芩

酒黃芩

已上各壹錢

炙甘草

一錢五分

柴胡

貳錢

右為麤末每服三錢水一大盞半煎至一盞取清食後服之

羌活湯

治風熱壅盛上攻頭目昏眩

炙甘草 柒分

澤瀉 叁錢

酒洗瓜蒌根

白茯苓

酒黃蘗 已上各伍錢

柴胡 柒錢

防風

細黃芩 酒洗

酒黃連

羌活 已上各壹兩

右為麤末每服五錢重水二中盞煎至一盞取清食後臨卧通口熱服之

養神湯

治精神短不得睡項筋腫急難伸禁甘温宜苦味

木香

橘皮

柴胡 已上各壹分

酒黃芩 貳分

人參

黃蘗

白朮

川芎 已上各叁分

升麻 肆分

蒼朮

麥蘗麴

當歸身

黃連 已上各伍分

甘草

半夏 已上各柒分

黃芪 壹錢

右咬咀每服五錢水二大盞煎至一盞去粗稍熱服不拘時候

安神湯

治頭痛頭旋眼黑

胃室必義

生甘草

炙甘草 已上各 貳錢

防風 貳錢 伍分

柴胡

升麻

酒生地黃

酒知母

已上各 伍錢

酒黃蘗

羌活

已上各 壹兩

黃芪

貳兩

右爲麤末每服五錢水二大盞半煎至一盞半加

蔓荊子五分川芎三分再煎至一盞去相臨卧熱

服

半夏白朮天麻湯

范天驥之內有脾胃證時顯煩躁胸中不利大便不通而又爲寒氣怫鬱悶亂大作火不伸故也疑

其有熱服疎風丸大便行其病不減恐其藥少再服七八十九大便復見兩行元證不瘳增以吐逆食不能停痰唾稠粘湧出不止眼黑頭旋惡心煩悶氣短促上喘無力以言心神顛倒目不敢開如在風雲中頭苦痛如裂身重如山四肢厥冷不得安卧余料前證是胃氣已損復下兩次則重虛其胃而痰厥頭痛作矣與此藥而治之

黃蘗

貳分酒洗

乾薑

叁分

澤瀉

白茯苓

天麻

黃芪

人參

蒼朮

已上各 伍分

炒神麴

白朮

已上各壹錢

麥蘖麵

半夏

湯洗

橘皮

已上各壹錢五分

右咬咀每服五錢水二大盞煎至一盞去相熱服食前一服而愈此頭痛苦甚謂之足太陰痰厥頭痛非半夏不能療眼黑頭旋風虛內作非天麻不能除黃芪甘溫瀉火補元氣實表虛止自汗人參甘溫瀉火補中益氣二木俱苦甘溫除濕補中益氣澤瀉茯苓利小便導濕橘皮苦溫益氣調中升陽神麴消食蕩胃中滯氣大麥麵寬中助胃氣乾薑辛熱以滌中寒黃蘗大苦寒酒洗以療冬夫少

火在泉發躁也

口齒咽喉門

口齒論

論曰夫齒者腎之標口者脾之竅諸經多有會於口者其牙齒是手足陽明之所過上齧隸於坤土乃足陽明胃之脉貫絡也止而不動下齧嚼物動而不休手陽明大腸之脉所貫絡也手陽明惡寒飲而喜熱足陽明喜寒飲而惡熱其病不一牙者腎之標亦喜寒寒者堅牢為病不同熱甚則齒動齧斷袒脫作痛不已故所治療不同也有惡熱而作痛者有惡寒而

作痛者有惡寒惡熱而作痛者有惡寒飲少熱飲多而作痛者有惡熱飲少寒飲多而作痛者有牙齒動搖而作痛者有齒齦腫起為痛者有脾胃中有風邪但覺風而作痛者又有牙上多為虫所蝕其齒缺少而色變為虫牙痛者有胃中氣少不能於寒袒露其齒作痛者有牙齒疼痛而穢臭之氣不可近者痛既不一豈可一藥而盡之哉

羌活散

治客寒犯腦風寒濕腦痛項筋急牙齒動搖肉齦袒脫疼痛

藁本

香白芷

桂枝已上各

蒼朮

升麻已上各

當歸身陸分

草豆蔻仁壹錢

羌活壹錢

羊脛骨灰貳錢

麻黃去根節

防風已上各

柴胡伍錢

細辛少許

右為細末先用溫水嗽口淨擦之其痛立止也

草豆蔻散 治寒多熱少牙齒疼痛

細辛葉

防風已上各

羊脛骨灰

熟地黄已上各

當歸陸分

草豆蔻仁

黃連 已上各壹錢叁分
 升麻 貳錢伍分
 右為細末同前牙痛處擦之

麻黃散

治冬寒時分寒濕腦痛項筋急牙齒動搖疼痛

防風

藁本 已上各叁分

羊脛骨灰

當歸身

熟地黄 已上各陸分

草豆蔻仁

升麻

黃連 已上各壹錢

羌活 壹錢伍分

麻黃 節 不去

草龍膽 酒洗

生地黄 已上貳錢

細辛 少許

右為細末依前法擦之

熱牙散 一名麝香散

治大熱牙齒瘡露根肉齦脫血出齒動欲落疼痛
 妨食忤涼少忤熱多

熟地黄 二分

益智仁 二分半

當歸身

生地黄

麻黃根

酒漢防已

人參 已上各叁分

升麻 一錢

草豆蔻

黃連 已上各一錢五分

羊脛骨灰 二錢

麝香 少許

右為細末如前藥擦之

治蟲散 一名白芷散

治大寒犯腦牙齒疼痛及蟲痛胃經濕熱腫痛

桂枝 一分

熟地黄 二分

藁本

白芷 已上各三分

當歸身

益智仁

黃連 已上各四分

羌活 伍分

吳茱萸 八分

草豆蔻

黃芪

升麻 已上各一錢

羊脛骨灰 一錢

麻黃 不去節 二錢五分

右為細末同前擦之

益智木律散

治寒熱牙痛

木律 二分

當歸

黃連 已上各四分

羊脛骨灰

益智皮

熟地 已上五分

草豆蔻皮 壹錢

貳分

升麻 壹錢

伍分

右為細末用度如前擦之

如寒牙痛不用木律

蠟稍散

治大寒風犯腦牙痛

白芷

當歸身

柴胡 已上各貳分

桂枝

升麻

防風

藁本

黃芪 已上各叁分

羌活 伍分

草豆蔻皮 壹錢

錢

麻黃 去節 壹錢五分

錢五分

羊脛骨灰 貳錢

伍分

蠟稍

少許

右為細末如前法用之

白牙散

白芷

柒分

升麻

壹錢

石膏

壹錢伍分

羊脛骨灰

貳錢

麝香

少許

右為細末先用溫水嗽口擦之妙

刷牙藥

麝香

壹分

生地黄

酒防已

熟地黄

已上各貳分

當歸身

人參

已上各叁分

草豆蔻皮

伍分

升麻

壹錢

羊脛骨灰

黃連

已上各貳錢

白豆蔻

草豆蔻

已上各壹錢

沒石子

叁箇

五倍子

壹箇

右為極細末如前法擦之妙

獨聖散

治一切牙痛風疳

北地蒺藜

不以多少陰乾

右為細末每用刷牙以熱漿水漱牙外麤末熬漿水刷牙大有神効不可具述

當歸龍膽散

治寒熱停牙痛

香白芷

當歸梢

羊脛骨灰

生地黄 已上各伍分 麻黄

草豆蔻皮

草龍膽 升麻

黃連 已上各壹錢

右為細末如前法擦之神効

牢牙地黃散

治腦寒痛及牙痛

藁本 貳分 生地黄

熟地黄

羌活 防已

人參 已上各叁分

當歸身 益智仁 已上各肆分

香白芷

黃芪 已上各伍分 羊脛骨灰

吳茱萸

黃連 麻黄 已上各壹錢

草豆蔻皮 壹錢貳分

升麻 壹錢伍分

右為細末如前法擦之

細辛散

治寒邪風邪犯腦牙齒痛

柴胡 防風 升麻

白芷 已上各貳分 桂枝 貳分半

麻黄 去節

藁本 蒼朮 已上各叁分

當歸身 肆分

草豆蔻 伍分 羊脛骨灰

羌活 已上各錢四分

細辛 少許

右為細末先漱後擦之佳

立効散

治牙齒痛不可忍及頭腦項背微惡寒飲大惡熱
飲其脉上中下三部陽虛陰盛是五臟內盛六腑
陽道脉微小小便滑數

細辛 貳分

炙甘草 叁分

升麻 柒分

防風 壹錢

草龍膽 酒洗 肆錢

右咬咀都作一服水一盞煎至七分去粗以匙抄
在口中燂痛處待少時則止

如多惡熱飲更加草龍膽 壹錢 此法不定隨寒熱多
少臨時加減

若更惡風作痛加草豆蔻黃連 伍分 勿加草龍膽

定牙散

治牙齦肉縱有根牙疳腫痛牙動搖欲落牙齒不

長牙黃口臭

羌活 壹兩

草龍膽 酒洗 壹兩 伍錢 羊脛骨灰 貳兩

升麻 肆兩

右為細末以紗羅子羅骨灰作微塵末和勻卧時
貼在牙齦上

清胃散

治因服補胃熱藥致使上下牙疼痛不可忍牽引

頭腦滿面發熱大痛足陽明之別絡入腦喜寒惡熱乃是手陽明經中熱盛而作也其齒喜冷惡熱

當歸身

擇細黃連

如連不好更加貳分夏月倍之

生地黄

酒製已上參分

牡丹皮

伍分

升麻

壹錢

右為細末都作一服水一盞半煎至一盞去粗帶

冷服之

神功丸

治多食肉人口臭不可近牙齒疳蝕牙齦肉將脫牙齒落血不止

蘭香葉

如無藿香代之

當歸身

藿香

用葉

木香

已上各壹錢

升麻

貳錢

生地黄

酒洗

生甘草

已上各參錢

黃連

去鬚擇淨酒洗秤

縮砂仁

已上各伍錢

右同為細末湯浸餗餅為丸如菜豆大每服一百丸或加至二百丸止白湯下食遠服兼治血痢及血崩及血下不止血下褐色或紫色黑色及腸瀉下血空心服米湯下其脉洪大而緩者及治麻木厥氣上衝逆氣上行妄聞妄見者

桔梗湯

治咽腫微覺痛聲破

當歸身

馬勃

已上各壹分

白殭蠶

黃芩 已上各參分

麻黃 伍分不

桔梗

甘草 已上各壹錢

桂枝 少許

右為麤末作一服水二大盞煎至一盞去粗稍熱服之食後

又方

治口瘡久不愈者

黃蘗 不計多少真者蜜塗其上炙黃色

右為細末乾糝瘡上臨時忌醋醬鹽

神驗法

治口瘡無問久新

夜間將二丸以勒緊左右交手揉三五十次但遇睡覺行之如此三五度因濕而生者一夜愈久病諸般口瘡三二夜愈如鼻流清涕者勒之二丸揉之數夜可愈

內經云膀胱移熱於小腸膈腸不便上口為麋易老五苓散與導赤散合而飲之

嘔吐門

丁香茱萸湯

治嘔吐噦胃虛寒所致

黃蘗 參分

炙甘草

丁香

柴胡

橘皮 已上各伍分

升麻 柒分

吳茱萸

蒼朮

人參 已上各壹錢

當歸身 壹錢伍分

草豆蔻仁

黃芪 已上各貳錢

右為麤末每服五錢水二大盞煎至一盞去粗稍

熱服食前

白朮湯 一名茯苓

治胃氣虛弱身重有痰惡心欲吐是風邪羈絆於

脾胃之間當先實其脾胃

炒神麴 貳錢

陳皮

天麻 已上各叁錢

白朮

白茯苓

麥蘖麴 沙黃

半夏 已上各伍錢

右以咀每服五錢水二盞入生薑五片同煎至一

盞去粗稍熱服之

補肝湯 一名柴胡

治素有風證不敢見風眼澀頭痛眼黑胸中有痰

惡心兀兀欲吐遇風但覺皮肉緊手足難舉重物

如居暖室少出微汗其證乃減再或遇風病即復

柴胡

升麻

藁本 已上各伍分

白茯苓 柒分

炒神麴

蒼朮 已上各壹錢

半夏 貳錢

生薑 拾片

右為麤末都作一服水二大盞煎至一大盞去粗
稍熱服

吳茱萸丸 一名木香
利膈丸

治寒在膈上噎塞咽膈不通

木香

青皮 已上各
貳分

白蠟

姜黃

澤瀉

柴胡 已上各
肆分

當歸身

炙甘草 已上各
陸分

益智仁

人參

橘皮

升麻

黃芪 已上各
捌分

半夏 壹錢

草豆蔻仁

吳茱萸 已上各
錢貳分 麥蘖麴 壹錢
伍分

右為細末湯浸餗餅為丸如菽豆大每服二三十
丸溫水送下勿多飲湯恐速下細嚼亦得

衄血吐血門

麥門冬飲子

治吐血久不愈以三稜鍼於氣街出血立愈

黃芪 壹錢

麥門冬

當歸身

生地黃

人參 已上各
伍分

五味子 拾箇

右為麤末都作一服水二盞煎至一盞去粗熱服
不拘時

人參飲子

治脾胃虛弱氣促氣弱精神短少衄血吐血

麥門冬

或分

人參

去芦

當歸身

已上各參分

黃芪

白芍藥

甘草

已上各壹錢

五味子

伍箇

右為麤末都作一服用水二盞煎至一盞去粗稍

熱服

一貧者有前證以前藥投之愈繼而至冬天居曠室中臥大熱炕而吐血數次再來求治料此病又虛弱附臍有形而有火熱在內上氣不足陽氣外虛當補表之陽氣瀉其裏之虛熱是其法也冬天

居曠室衣蓋單薄是重虛其陽表有大寒壅遏裏熱火邪不得舒伸故血出於口憶仲景傷寒論中一證太陽傷寒當以麻黃湯發汗而不與遂成衄却與麻黃湯立愈此法相同予遂用之

三黃補血湯

治六脉俱大按之空虚心面赤善驚上熱乃手少陰心脉也此氣盛多而亡血以甘寒鎮墜之劑太瀉其氣以墜氣浮以甘辛溫微苦峻補其血

牡丹皮

黃芪

升麻

已上各壹錢

當歸

柴胡

已上各壹錢伍分

熟地黃

川芎已上各貳錢

生地黄參錢

白芍藥伍錢

右咬阻如麻豆大每服五錢水三大盞煎至一大盞去粗稍熱服食前

如兩寸脉孔血在上焦或衄血或嘔血與犀角地黄

湯則愈

救脉湯一名人參救肺散

治吐血

甘草

蘇木

陳皮已上各伍分

升麻

柴胡

蒼朮已上各壹錢

當歸梢

熟地黄

白芍藥

黃芪

人參已上各貳錢

右為麤末都作一服水二大盞煎至一盞去粗稍

溫食前服

麻黃桂枝湯

人參益上焦元氣不足而實其表也

麥門冬保肺氣已上各參分

桂枝以補表虛

當歸身和血養血各伍分

麻黃去根節

甘草補其脾胃之虛

黃芪實表益衛

白芍藥已上各壹錢

五味子伍箇安其脉氣

右以水三盞先煮麻黃一味令沸去沫至二盞入

餘藥同煎至一盞去粗熱服臨卧只一服而愈更

不再作

黃芪芍藥湯

治鼻衄血多面黃眼澀多嗔手麻木

葛根

羌活已上各伍錢

升麻已上各壹兩

炙甘草貳兩

白芍藥

黃芪叁兩

右咬咀每服伍錢水二盞煎至一盞食後

六脉弦細而瀉按之空虛其色必白而天不澤者脫血也此大寒證以辛溫補血益血以甘溫甘熱滑潤之劑以佐之則愈此亡血亦傷精氣

止衄血法

治鼻血久不止素有熱而暴作者諸藥無驗神法以大紙一張作八摺或十摺於水內濕置頂中以熱熨斗熨至一重或二重紙乾立止

腰痛門

川芎肉桂湯

丁未冬曹通甫自河南來有役人小翟露宿寒濕之地腰痛不能轉側兩脇搐急作痛已經月餘不愈矣腰痛論中說皆為足太陽足少陰血絡中有凝血作痛間有一二證屬少陽膽經外絡脉病皆

去血絡之凝乃愈其內經有云冬三月禁不得用
鍼只宜服藥通其經絡破其血絡中敗血以此藥
主之

酒漢防已

防風

已上各
參分

炒神麴

獨活

已上各
伍分

川芎

柴胡

肉桂

當歸梢

炙甘草

蒼朮

已上各
壹錢

羌活

壹錢
伍分

桃仁

伍箇去皮
尖研如泥

右吹咀都作一服好酒三大盞煎至一大盞去粗
稍熟食遠服

獨活湯

治因勞後腰痛如折沉重如山

炙甘草

貳錢

羌活

防風

獨活

大黃

煨

澤瀉

肉桂

已上各
參錢

當歸稍

連翹

已上各
伍錢

酒漢防已

酒黃蘗

已上各
壹兩

桃仁

參拾
箇

右吹咀每服五錢酒半盞水一大盞半煎至一盞
去粗熱服

破血散疼湯

治乘馬損傷跌其脊骨惡血流於脇下其痛苦楚
不能轉側妨於飲食

羌活

蘇木 壹錢 伍分

柴胡 已上各 貳錢

右件分作二服每服酒二大盞水一大盞除水蛭

麝香另研如泥煎餘藥作一大盞去粗上火令稍

熱調二味空心服之兩服立愈

地龍散

治腰脊痛或打撲損傷從高墜下惡血在太陽經
中令人腰脊痛或脛膂臂股中痛不可忍鼻塞不
通

防風

連翹

水蛭 參錢炒去 煙盡別研

麝香 少許 別研

當歸梢

中桂 已上各 壹錢

獨活

地龍 已上各 肆分

蘇木 陸分

麻黃 伍分

當歸稍 壹分

中桂

蘇木

甘草 已上各 壹錢

羌活

桃仁 陸箇

黃蘗

右吹咀每服五錢水二盞煎至一盞去粗溫服食

遠

蒼朮湯

治濕熱腰腿疼痛

防風 風能 勝濕

止痛

柴胡 行經 貳錢

蒼朮

濕止痛

參錢

右都作一服水二大盞煎至一盞去粗空心服
麻黃復煎散

治陰室中汗出懶語四肢困倦無力走注疼痛乃
下焦伏火而不得伸浮而躁熱汗出一身盡痛蓋
風濕相搏也以升陽發汗漸漸發之火鬱乃濕在
經者亦宜發汗况正值季春之月脉緩而遲尤宜
發汗令風濕去而陽升以此困倦乃退氣血俱得
生旺也

- 白朮
- 人參
- 生地黃
- 柴胡
- 防風已上各五分
- 羌活

黃蘗已上各壹錢

麻黃夫節微搗不令作末水五

盞入下項藥再煎

黃芪已上各貳錢

甘草叁錢

杏仁叁箇去皮

右咬咀都作一服入麻黃湯煎至一盞臨卧服之
勿令食飽取漸次有汗則効

緩筋湯一名羌活湯

治兩目如火腫痛兩足及伏兔筋骨痛膝少力身
重腰痛夜惡寒痰嗽頸項皆急痛目外眦目絲急
食不下

熟地黃壹分

生甘草

柴胡

紅花

炙甘草

蘇木

獨活已上各
貳分

藁本

升麻

黃芩

草豆蔻仁

酒黃蘗

生地黄

當歸身

麻黃已上各
參分

羌活參錢

蒼朮伍分

右為麤末都作一服水二大盞煎至一盞去粗食
遠服之

拈痛湯

治濕熱為病肩背沉重肢節疼痛胸膈不利

白朮壹錢
五分

人參去芦

苦參酒炒

升麻去芦

葛根

蒼朮已上各
貳錢

防風去芦

知母酒洗

澤瀉

黃芩炒

猪苓

當歸身已上各
參錢

炙甘草

黃芩酒洗

茵陳酒炒

羌活已上各
伍錢

右咬咀每服一兩水二大盞煎至一盞去粗食遠
服

蒼朮復煎散

治寒濕相合腦右痛惡寒項筋脊骨強肩背脚眼
痛膝膕痛無力行步沉重

紅花 壹分

黃蘗 叁分

柴胡

蒙本

澤瀉

白朮

升麻 已上各伍分

羌活 壹錢

蒼朮 肆兩水二盞 枕煎二盞

去粗入藥

右咬咀先煎蒼朮湯二大盞復煎前項藥至一大

盞稍熱空心服取微汗為效忌酒濕麵

羌活蒼朮湯

治脚膝無力沉重

炙甘草

黃蘗

草豆蔻

生甘草

葛根 已上各伍分

橘皮 陸分

柴胡 柒分半

升麻

獨活

縮砂仁

蒼朮 已上各壹錢

防風 伍分

黃芪 貳錢

知母 伍分

羌活 叁錢

右咬咀分作二服水二大盞煎至一盞去粗空心

服

婦人門

經閉不行有三論

陰陽別論云二陽之病發心脾有不得隱曲女子不月其傳為風消為息責者死不治婦人脾胃久虛或形羸氣血俱衰而致經水斷絕不行或病中消胃熱

善食漸瘦津液不生夫經者血脉津液所化津液既
絕爲熱所燦肌肉消瘦時見渴燥血海枯竭病名曰
血枯經絕宜瀉胃之燥熱補益氣血經自行矣此證
或經適行而有子子不安爲胎病者有矣或心包脉
洪數躁作時見大便秘澀小便雖清不利而經水閉
絕不行此乃血海乾枯宜調血脉除包絡中火邪而
經自行矣內經所謂小腸移熱於大腸爲癥瘕爲沉也
脉澀不利則月事沉滯而不利故云爲癥瘕爲沉也
或因勞心心火上行月事不來安心和血瀉火經自
行矣故內經云月事不來者胞脉閉也胞脉者屬心

而絡於胞中令氣上迫肺心氣不得下故月事不來
也

經漏不止有三論

陰陽別論云陰虛陽搏謂之崩婦人脾胃虛損致命
門脉沉細而數疾或沉弦而洪大有方寸關脉亦然
由脾胃有虧下陷於腎與相火相合濕熱下迫經
漏不止其色紫黑如夏月腐肉之臭中有白帶者脉
必弦細寒作於中中有赤帶者其脉洪數疾熱明矣
必腰痛或臍下痛臨經欲行先見寒熱往來兩脇急
縮兼脾胃證出見或四肢困熱心煩不得眠卧心下

急宜大補脾胃而升舉血氣可一服而愈或人故貴
脾勢人事疎少或先富後貧心氣不足其火六熾旺
於血脉之中又致脾胃飲食失節火乘其中形質肌
肉容顏似不病者此心病也不行於診故脾胃飲食
不調其證顯矣而經水不時而下或適來適斷暴下
不止治當先說惡死之言勸諭令拒死而心不動以
大補氣血之藥舉養脾胃微加鎮墜心火之藥治其
心補陰瀉陽經自止矣痿論云悲哀大甚則胞絡絕
也陽氣內動發則心下崩數洩血也故本病曰大經
空虛發則肌痺傳為脉痿此之謂也

穴二七壯亦已

此藥乃從權之法用風勝濕為胃下陷而氣迫於
下以救其血之暴崩也併血惡之物住後必須黃
芪人參炙甘草當歸之類數服以補之於補氣升
陽湯中加以和血藥便是也若經血惡物下之不
絕尤宜究其根源治其本經只益脾胃退心火之
亢乃治其根蒂也若遇夏月白帶下脫漏不止宜
用此湯一服立止

涼血地黃湯

治婦人血崩是腎水陰虛不能鎮守包絡相火故

血走而崩也

黃芩

荆芥穗

蔓荊子已上各壹分

黃蘗

知母

藁本

細辛

川芎已上各貳分

黃連

羌活

柴胡

升麻

防風

已上各叁分

生地黄

當歸已上各伍分

甘草壹錢

紅花少許

右咬咀都作一服水三大盞煎至一盞去粗稍熟空心服之

足大陰脾之經中血海二穴在膝臑上內膝白肉際

二寸中治女子漏下惡血月事不調逆氣腹脹其脈緩者是也灸三壯

足少陰腎之經中陰谷二穴在膝內輔骨後大筋下小筋上按之應手屈膝取之治膝如錐不得屈伸舌縱涎下煩逆溺難少腹急引陰痛股內廉痛婦人漏血不止腹脹滿不得息小便黃如蠱女子如妊身可灸二壯

酒煮當歸丸

治癩疝白帶下疰脚氣腰已下如在冰雪中以火焙炕重重厚綿衣蓋其上猶寒冷不任寒之極也

面白如枯魚之象肌肉如刀割削瘦峻之速也小便不止與白帶長流而不禁固自不知覺面白目青藍如菜色目眈眈無所見身重如山行步欹側不能安地腿膝枯細大便難秘口不能言無力之極食不下心下痞煩心懊懣不任其苦面停垢背惡寒小便遺而不知此上中下三陽真氣俱虛欲渴澀嘔不止胃虛之極也脉沉厥緊而澀按之空虛若脉洪大而濇按之無力猶為中寒之證况按之空虛者乎按之不鼓是為陰寒乃氣血俱虛之極也

茴香

伍錢

黑附子

炮製去皮臍

良薑

已上各

當歸

壹兩

右四味剉如麻豆大以上等好酒一升半同煮至酒盡焙乾

炙甘草

苦練

生用

丁香

已上各

木香

升麻

已上各

柴胡

貳錢

炒黃鹽

全蠍

已上各

延胡索

肆錢

右與前四味藥同為細末酒煮麵糊為丸如梧桐子大每服五七十九空心淡醋湯下忌油膩冷物酒濕麵

固真丸

治白帶久下不止臍腹冷痛陰中亦然目中溜火
 視物眈眈然無所見齒皆惡熱飲痛須得黃連細
 末擦之乃止惟喜乾食大惡湯飲此病皆寒濕乘
 其胞內故喜乾而惡濕肝經陰火上溢走於標故
 上壅而目中溜火腎水侵肝而上溢致目眈眈而
 無所見齒惡熱飲者是陽明經中伏火也治法當
 大瀉寒濕以丸藥治之故曰寒在下焦治宜緩大
 忌湯散以酒製白石脂白龍骨以枯其濕炮乾薑
 大熱辛瀉寒水以黃蘗之大寒為因用又為鄉導

故云古者雖有重罪不絕人之後又為之伏其所
 主先其所因之意又瀉齒中惡熱飲也以柴胡為
 本經之使以芍藥五分導之恐辛熱之藥大甚損
 其肝經故微瀉之以當歸身之辛溫大和其血脈
 此用藥之法備矣

黃蘗 酒洗

白芍藥 已上各伍分

柴胡

白石脂 已上各壹錢火燒赤

白龍骨 酒煮日乾

當歸 酒洗已上各貳錢

乾薑 肆錢

石件除龍骨白石脂水飛研外同為細末水煮麵
 糊為丸如雞頭仁大日乾空心多用白沸湯下無

令胃中停滯待少時以早飯壓之是不令熱藥犯胃忌生冷硬物酒濕麵

烏藥湯

治婦人血海疼痛

當歸

甘草

木香 已上各伍錢

烏藥 壹兩

香附子 貳兩炒

右以咀每服五錢水二大盞去粗溫服食前

助陽湯 一名升陽燥濕湯

治白帶下陰戶中痛空心而急痛身黃皮緩身重如山陰中如冰

生黃芩

橘皮 已上各伍分

防風

高良薑

乾薑

郁李仁

甘草 已上各壹錢

柴胡 壹錢分

白葵花 柒朵

右剉如麻豆大分作二服每服水二大盞煎至一盞去粗食前稍熱服

水府丹

治婦人久虛積冷經候不行癥瘕癖塊腹中暴痛面有黧黧黎黑羸瘠

礶砂 紙隔沸湯淋熬取

紅豆 已上各伍錢

桂心 另為末

木香

乾薑 已上各壹兩

砂仁 貳兩

經煨花藥石 研壹兩 伍錢

班貓 壹百箇 去頭

生地黄汁 童子小便 各一升 臘月狗膽 柒枚

芫蜻 叁百箇 去頭 足糯米一升 炒米黃去米不用

右九味為細末同三汁熬為膏和丸如雞頭大硃砂為衣每服一丸温酒細嚼食前服米飲亦可孕婦不可服

丁香膠艾湯

治崩漏不止蓋心氣不足勞役及飲食不節所得經隔少時其脉二尺俱弦緊洪按之無力其證自覺臍下如冰求厚衣被以禦其寒白帶白滑之物

多間有如屋漏水下時有鮮血右尺脉時微洪也

熟地黄 已上各 白芍藥 已上各 川芎

丁香 已上各 阿膠 陸分 生艾葉 壹錢

當歸 一分 錢二分

右川芎為細末當歸酒洗剉熟地黄丁香為細末艾亦剉都作一服水五大盞先煎五味作一盞零二分去粗入膠再上火煎至一大盞帶熱空心服之

黃芪當歸人參湯

丁未仲冬郭大方來說其妻經水暴崩不止先曾

損身失血自後一次縮一十日而來今次不止其
 人心窄性急多驚以予料之必因心氣不足飲食
 不節得之大方曰無到彼診得掌中寒脉沉細而
 緩間而沉數九竅微有不利四肢無力上喘氣短
 促口鼻氣皆不調果有心氣不足脾胃虛弱之證
 胃院當心而痛左脇下縮急有積當臍有動氣腹
 中鳴下氣大便難虛證極多不能盡錄擬先治其
 本餘證可以皆去安心定志鎮墜其經調和脾胃
 大益元氣補其血脉令養其神以大熱之劑去其
 冬寒疑在皮膚肉少加生地黃去命門相火不令

四肢痿弱

黃連 壹分

生地黄 叁分

炒神麴

橘皮

桂枝 已上各伍分

草豆蔻仁 陸分

黃芪

人參

麻黃 不去節已上各壹錢

當歸身 壹錢伍分

杏仁 伍箇另研如泥

右以瓶作二服水二大盞半煎麻黃令沸去沫煎
 至一二盞入諸藥同煎至一大盞於巳午之間食消
 盡服之一服立止其胃腕痛乃胃上有客寒與大
 熱藥草豆蔻丸一十五丸白湯送下其痛立止再
 與肝之積藥除其積之根源而愈

治婦人經脈漏下不止其色鮮紅時值七月處暑
之間先因勞後脾胃虛弱氣短氣逆自汗不止身
熱悶亂惡食飲食非進不入亦不思食沉懶困倦
四肢無力大便時泄後再因心氣不足經脈再下
不止惟覺氣下脫其元氣逆上全無惟覺心腹中
氣下行氣短少不能言是無力以言非懶語也此
藥主之

柴胡貳分

炙甘草

生地黄已上各

橘皮不去

熟地黄已上各

黃芪壹錢

蒼朮去浸

當歸身

白芍藥

白朮已上各

右十味咬咀如麻豆大分作二服水二盞半煎至
一盞去粗稍熱空心服之

柴胡調經湯

治經水不止鮮紅項筋急腦痛脊骨強痛

炙甘草

當歸身

葛根已上各

獨活

藁本

升麻已上各

柴胡柒分

羌活

蒼朮已上各

紅花少許

右判如麻豆大都作一服水四大盞煎至一盞去
相空心稍熱服取微汗立止

一婦人經候凝結黑血成塊左廂有血痕水泄不止
穀有時不化後血塊暴下并水俱作是前後二陰有
形血脫竭於下既久經候猶不調水泄日見三兩行
食罷煩心飲食減少甚至瘦弱東垣老人曰夫聖人
治病必本四時升降浮沉之理權變之宜必先歲氣
無伐天和無勝無虛遺人天歿無致邪無失正絕人
長命故仲景云陽盛陰虛下之則愈汗之則死陰盛
陽虛汗之即愈下之即死大抵聖人立法且如升陽

或發散之劑是助春夏之陽氣令其上升乃瀉秋冬
收藏殞殺寒涼之氣此病是也當用此法治之升降
浮沉之至理也天地之氣以升降浮沉乃從四時如
治病不可逆之故經云順天則昌逆天則亡可不畏
哉夫人之身亦有四時天地之氣不可止認在外人
亦體同天地也今經漏不止是前陰之氣血已脫下
矣水泄又數年是後陰之氣血下陷以脫矣後陰者
主有形之物也前陰者精氣之戶下竭是病人周身
之血氣常行秋冬之令陰主殺此等收藏之病是也
陽生陰長春夏是也在人之身令氣升浮者穀氣上

行是也既病人周身血氣皆不生長穀氣又不勝其
肌肉消少是兩儀之氣俱將絕矣既下元二陰俱脫
血氣將竭假令當是熱證今下焦久脫化為寒矣此
病久沉久降寒濕大勝當急救之瀉寒以熱除濕以
燥大升大舉以助生長補養氣血不致偏竭聖人立
治之法既濕氣大勝以所勝治之助甲風木上升是
也故經云風勝濕是以所勝平之也當先調和胃氣
次用白朮之類以燥其濕而滋元氣如其不止後用
風藥以勝濕此便是大舉大升以助春夏二濕之久
陷下之至治也

益胃升陽湯

血脫益氣古聖人之法也先補胃氣以助生發之
氣故曰陽生陰長諸甘藥為之先務舉世皆以為
補殊不知甘能生血此陽生陰長之理也故先理
胃氣人之身內胃氣為寶

柴胡

升麻已上各
伍分

炙甘草

當歸身

酒洗

陳皮

已上各
壹錢

人參

去芦有
嗽去之

炒神麴

已上各
錢伍分

黃芪

貳錢

白朮

叁錢

生黃芩

少許

右咬咀每服二錢水一大盞煎至一盞去粗稍熱

服

如腹中痛每服加白芍藥參分中桂少許

如渴或口乾加葛根貳分不拘時候

升陽舉經湯

治經水不止如右尺脉按之空虚是氣血俱脫大寒之證輕手其脉數疾舉指弦緊或澀皆陽脫之證陰火亦亡見熱證於口鼻眼或渴此皆陰躁陽欲先去也當溫之舉之升之浮之燥之此法當大升浮血氣切補命門之下脫也

肉桂去皮盛夏勿用秋冬用白芍藥紅花已上各伍分

細辛陸分人參去芦熟地黄

川芎已上各壹錢獨活根黑附子炮製去皮

炙甘草已上各錢伍分羌活藁本去土

防風已上各貳錢白朮當歸

黃芪已上各參錢柴胡已上各參錢桃仁拾箇湯浸去皮尖細研

右以咀每服三錢若病勢順當漸加至五錢每服水三盞煎至一盞空心熱服

半產誤用寒涼之藥論

婦人分婉及半產漏下昏冒不省瞑目無所知覺蓋因血暴亡有形血去則心神無所養心與包絡者君

火相火也得血則安亡血則危火上熾故令人昏目
火勝其肺瞑目不省人事是陰血暴去不能鎮撫也
血已虧損往往用滑石甘草石膏之類乃辛甘大寒
之藥能瀉氣中之熱是血虧瀉氣乃陰虧瀉陽使二
者俱傷反為不足虛勞之病昏迷不省者上焦心肺
之熱也此無形之熱用寒涼之藥驅令下行豈不知
上焦之病悉屬於表乃陰證也汗之則愈今反下之
幸而不死暴虧氣血生命豈能久活又不知內經有
說病氣不足宜補不宜瀉但瞑目之病悉屬於陰宜
汗不宜下又不知傷寒鬱冒得汗則愈是禁用寒涼

藥也分免半產本氣不病是暴去其血亡血補血又
何疑焉補其血則神昌常時血下降亡今當補而升
舉之心得血而養神不昏矣血若暴下是秋冬之令
大旺今舉而升之以助其陽則目張神不昏迷矣今
立一方補血養血生血益陽以補手足厥陰之不足
也

全生活血湯

紅花 叁分

蔓荊子

細辛 已上各伍分

生地黄 夏月多加之

熟地黄 已上各壹錢

藁本

川芎 已上各壹錢伍分

防風 諸陽既陷何以知

防風 之血下脫故也

羌活

獨活

炙甘草

柴胡去苗

當歸身酒洗

葛根已上各貳錢

白芍藥

升麻已上各叁錢

右咬咀每服五錢水二盞煎至一盞去粗食前稍

熱服

當歸附子湯

治臍下冷痛赤白帶下

當歸貳分

炒鹽叁分

蠟梢

升麻已上各伍分

甘草陸分

柴胡柒分

黃蘗少許為引用

附子壹錢

乾薑良薑各一錢

右為麤末每服五錢水五盞煎至一盞去粗稍熱

服或為細末酒麪糊為丸亦可

調經補真湯

冬後一月微有地泥水泮其白帶再來陰戶中寒

一服立止

獨活

乾薑炮

藁本

防風

蒼朮已上各貳分

麻黃不去

炙甘草

人參去芦

當歸身

白朮

生黃芩

升麻已上各伍分

黃芪柒分

良薑

澤瀉

羌活 已上各壹錢

柴胡 肆錢

杏仁 貳箇

桂枝 少許

白葵花 柒朶去萼

右咬咀除黃芩麻黃各另外都作一服先以水三大盞半煎麻黃一味令沸掠去沫入餘藥同煎至一盞零柒分再入生黃芩煎至一盞空心服之候一時許可食早飯

坐藥龍鹽膏

茴香 叁分

桔礬 伍分

良薑

當歸梢

酒防已

木通 已上各壹錢

丁香

木香

川烏 炮已上各壹錢伍分

龍骨

炒鹽

紅豆

肉桂 已上各貳錢

厚朴 叁錢

延胡索 伍錢

全蠍 伍箇

右為細末煉蜜為丸如彈子大綿裹留系在外內丸藥陰戶內日易之

勝陰丹

為水藥力小再取三錢內加行性熱藥項下

柴胡

羌活

桔白礬

甘松

升麻 已上各貳分

川烏頭

大椒

三柰子 已上各伍分

蒜 柒分

破故紙搗分與蒜同

全蠍叁箇

麝香少許

右為細末依前法用

迴陽丹

羌活

全蠍

升麻根

甘松已上各貳分

草烏頭

水蛭炒已上各叁分

大椒

三柰子

葶撥

枯礬已上各伍分

柴胡

川烏已上各柒分

炒黃鹽為必用之藥去之則不効

破故紙

蒜已上各壹錢

蟲蟲三箇去翅足炒

右為極細末依前製用臍下覺暖為効

柴胡丁香湯

治婦人年三十歲臨經先腰臍痛甚則腹中亦痛

經縮三兩日

生地黄貳分

丁香肆分

當歸身

防風

羌活已上各壹錢

柴胡壹錢伍分

全蠍壹箇

右件都作一服水二盞煎至一盞去粗食前稍熱

一服

延胡苦煉湯

治臍下冷撮痛陰冷大寒白帶下

黃蘗

壹分爲引用

延胡索

苦練子

已上各貳分

附子

炮

肉桂

已上各參分

炙甘草

伍分

熟地黄

壹錢

右都作一服水二大盞煎至一盞食前服

桂附湯

治白帶腥臭多悲不樂大寒

黃蘗

爲引用

知母

已上各伍分

肉桂

壹錢

附子

參錢

右咳嗽都作一服水二盞煎至一盞去粗食遠熱

服

如少食常飽有時似腹脹夯悶加白芍藥

伍分

如不思飲食加五味子

貳拾箇

如煩惱面上如蟲行乃胃中元氣極虛加黃芪

壹錢伍分

人參

柒分

炙甘草

已上各伍分

人參補氣湯

治四肢懶倦自汗無力

丁香末

貳分

生甘草稍

炙甘草

已上各參分

生地黄

白芍藥

已上各伍分

熟地黄

陸分

人參

防風

羌活

黃蘗

知母

當歸身

升麻

已上各柒分

柴胡

壹錢

黃芪

壹錢伍分

全蠍

壹箇

五味子

貳拾箇

右剉如麻豆大都作一服水二盞煎至一盞去粗空心稍熱服

黃芪白朮湯

治婦人四肢沉重自汗上至頭際頸而還惡風頭痛躁熱

細辛

叁分

吳茱萸

川芎

已上各伍分

柴胡

升麻

已上各壹錢

當歸身

壹錢伍分

黃蘗

酒洗

炙甘草

羌活

已上各貳錢

五味子

叁錢

白朮

人參

已上各壹錢

黃芪

壹兩

右咬咀每服五錢水二大盞生薑五片煎至一盞去粗食前熱服

如腹中痛不決加炙甘草

壹錢

汗出不止加黃蘗

壹錢

白朮茯苓湯

治胃氣弱身重有痰惡心欲吐是風邪羈絆於脾胃之間當先實其脾胃

白朮

白茯苓

半夏

已上各壹兩

炒麴 貳錢

麥蘖麴 伍分

右咬咀每服五錢水一大盞入生薑五片煎至一盞去粗不拘時服

增味四物湯

治婦人血積

當歸

川芎

芍藥

熟地黄

京三稜

乾漆

炒燥

肉桂 去皮

廣茂 已上各等分

右為麤末每服五錢水一大盞煎至一盞去粗食前稍熱服

和經固真湯

白文舉正室白帶常漏久矣諸藥不効診得心包

尺脉微其白帶下流不止叔和云崩中日久為白

帶漏下時多白滑血枯崩中者始病血崩久則血少

復亡其陽故白滑之物下流不止是本經血海將

枯津液復亡枯乾不能滋養筋骨以本部行經藥

為引用為使以大辛甘油膩之藥潤其枯燥而滋

益津液以大辛熱之氣味藥補其陽道生其血脉

以苦寒之藥泄其肺而救上熱傷氣以人參補之

以微苦溫之藥為佐而益元氣

白葵花去萼研甘草炙郁以仁研柴胡已上各

乾薑細末人參已上各生薑細研陳皮五

右件除黃芩外以水三盞煎至一盞七分再入黃芩同煎至一盞去粗空心熱服少時以早飯壓之溫衛補血湯

治耳鳴鼻不聞香臭口不知穀味氣不快四肢困倦行步欹側髮脫落食不下膝冷陰汗帶下喉中哢哢不得卧口舌益乾大息頭不可以回顧項筋緊脊強痛頭旋眼黑頭痛欠嚏

生地黄 白朮 藿香

黃藥已上各牡丹皮 蒼朮

王瓜根 橘皮 吳茱萸已上各

當歸身貳分柴胡 人參

熟甘草 地骨皮已上各升麻肆分

生甘草伍分黃芪壹錢丁香壹箇

桃仁叁箇葵花柒朵

右咬咀作一服用水二大盞煎至一盞去粗食前

熱服

立効散

治婦人血崩不止

前定必裁

當歸

蓮花心

白綿子

紅花

茅花已去各壹兩

右剉如豆大白紙裹定泥固炭火燒灰存性為細末

如乾血氣研血竭為引好温酒調服加輕粉壹錢

如血崩不止加麝香為引好温酒調服

四聖散

治婦人赤白帶下

川烏炮製

生白礬已上各壹錢 紅娘子叁箇

班貓拾箇

煉蜜為丸如皂子大綿裹坐之

温經除濕湯

十月霜冷後四肢無力乃痿厥濕熱在下焦也醋心者是濁氣不下降欲為滿也合眼麻木作者陽道不行也惡風寒者上焦之分皮膚中氣不行也開目不麻者目開助陽道故陰寒之氣少退也頭眩暈者風氣下陷於血分不得伸越而作也近火則有之

黃連壹分

柴胡

草豆蔻

神麴炒

木香已上各貳分

麻黃不去節

獨活

當歸身

黃蘗已上各壹分

升麻伍分

羌活柒分

炙甘草

人參

白朮

猪苓

澤瀉已上各壹錢

黃芪

橘皮

蒼朮已上各貳錢

白芍藥叁錢

右判如麻豆大分作二服水二盞煎至一盞食遠

服治支節沉重疼痛無力之勝藥也

補氣升陽和中湯

李正臣夫人病診得六脉俱中得弦洪緩相合按之無力弦在上是風熱下陷入陰中陽道不行其

證閉目則渾身麻木晝減而夜甚覺而開目則麻

木漸退久則絕止常開其目此證不作懼其麻木

不敢合眼致不得眠身體皆重時有痰嗽覺胸中

常似有痰而不利時煩躁氣短促而喘肌膚充感

飲食不減大小便如常惟畏其麻木不敢合眼為

最苦觀其色脉形病相應而不逆內經曰陽盛瞑

目而動輕陰病閉目而靜重又云諸脉皆屬於目

靈樞經云開目則陽道行陽氣遍布週身閉目則

陽道閉而不行如晝夜之分知其陽衰而陰旺也

且麻木為風三尺之童皆以為然細校之則有區

別耳久坐而起亦有麻木為如繩縛之久釋之覺
麻作而不敢動良久則自已以此驗之非有風邪
乃氣不行主治之當補其肺中之氣則麻木自去
矣如經脈中陰火乘其陽分火動於中為麻木也
當兼去其陰火則愈矣時痰嗽者秋涼在外在上
而作也當以溫劑實其皮毛身重脈緩者濕氣伏
匿而作也時見躁作當升陽助氣益血微瀉陰火
與濕通行經脈調其陰陽則已矣非五臟六腑之
本有邪也此藥主之

生甘草

去腎熱

酒黃蘗

瀉火除濕

白茯苓

除濕導火

澤瀉

除濕導火

升麻

行經

柴胡

已上各壹錢

蒼朮

除濕補中

草豆蔻仁

益陽退外寒

白朮

已上各壹錢五分

橘皮

當歸身

白朮

已上各壹錢

白芍藥

人參

已上各壹錢

佛耳草

炙甘草

已上各肆錢

黃芪

伍錢

右咬咀每服五錢水二盞煎至一盞去粗食遠服之

麻黃桂枝升麻湯

治婦人先患溥身麻木睡覺則少減開目則已而
全愈又證已痊又因心中煩惱遍身骨節疼身軀

沉重飲食減少腹中氣不運轉

木香

生薑

桂枝

半夏

陳皮

草豆蔻仁

厚朴

黑附子

黃藥已上各一分

炙甘草

升麻

白朮

茯苓

澤瀉

黃芪

麻黃節 不去

人參已上各五分

右都作一服水二盞煎至一盞去粗食遠服之

蘭室秘藏卷下

東垣老人 李杲 撰

明 新安 吳勉學 校

大便結燥門

大便結燥論

金匱真言論云北方黑色入通腎開竅於二陰藏精於腎又云腎主大便大便難者取足少陰夫腎主五液津液潤則大便如常若饑飽失節勞役過度損傷胃氣及食辛熱味厚之物而助火邪伏於血中耗散真陰津液虧少故大便結燥然結燥之病不一有熱

燥有風燥有陽結有陰結又有年老氣虛津液不足而結燥者治法云腎惡燥急食辛以潤之結者散之如少陰不得大便以辛潤之太陰不得大便以苦泄之陽結者散之陰結者溫之仲景云小便利而大便硬不可攻下以脾約丸潤之食傷太陰腹滿而食不化腹盛然不能大便者以苦藥泄之如血燥而不能大便者以桃仁酒製大黃通之風結燥而大便不行者以麻子仁加大黃利之如氣澀而大便不通者以郁李仁枳實皂角仁潤之大抵治病必究其源不可一槩用巴豆牽牛之類下之損其津液燥結愈甚復

下復結極則以至導引於下而不通遂成不救噫可不慎哉

通幽湯

治大便難幽門不通上衝吸門不開噎塞不便燥秘氣不得下治在幽門以辛潤之

炙甘草

紅花已上各壹分

生地黄

熟地黄

已上各伍分

升麻

桃仁泥

當歸身

已上各壹錢

右都作一服水二大盞煎至一盞去粗調楨榔細末五分稍熱食前服之

潤燥湯

升麻 一兩 生地黃 已上各 貳錢 熟地黃 已上各

當歸梢 一兩 生甘草 一兩 大黃 煨

桃仁泥 一兩 麻仁 已上各 壹錢 紅花 伍分

右除桃仁麻仁另研如泥外剉如麻豆大都作一服水二盞入桃仁麻仁泥煎至一盞去粗空心稍熱服

潤腸丸

治脾胃中伏火大便秘澀或乾燥閉塞不通全不思食及風結血秘皆令閉塞也以潤燥和血疎風

自然通利矣

桃仁 湯浸去皮尖 麻仁 已上各 壹兩 當歸稍

大黃 煨 羌活 已上各 壹錢

右除桃仁麻仁另研如泥外搗為極細末煉蜜為丸如梧桐子大每服三五丸空心白湯下

如病人不大便為大便不通而澀其邪盛者急加酒洗大黃以利之

如血燥而大便燥乾者加桃仁酒洗大黃

如風結燥大便不行者加麻仁大黃

如風濕而大便不行加煨皂角仁大黃秦朮以利之

如脉澀覺身有氣澀而大便不通者加郁李仁大黃以除氣燥

如寒陰之病爲寒結閉而大便不通者以芍方中半硫丸或加煎附子乾薑湯水冷與之其病雖陰寒之證當服陽藥補之若大便不通者亦當十服中與一服藥微通其大便不令結閉乃治之大法

若病人雖是陰證或是陰寒之證其病顯燥脉實堅亦宜於陽藥中少加苦寒之藥以去熱燥燥止勿加

如陰燥欲坐井中者其二腎脉按之必虛或沉細而遲此易爲辯耳知有客邪之病亦當從權加藥以去之

麻黃白朮湯

治大便不通五日一遍小便黃赤渾身腫面上及腹尤甚其色黃麻木身重如山沉困無力四肢痿軟不能舉動喘促唾清水吐噦痰唾白沫如膠時躁熱發欲去衣須臾熱過振寒項額有時如水額寒尤甚頭旋眼黑目中溜火冷淚鼻不聞香臭少腹急痛當臍中動氣按之堅硬而痛

青皮 去腐

酒黃連 已上各

酒黃蘗

橘紅

甘草炙半

升麻已上各一分

黃芪

人參

桂枝

白朮

厚朴

柴胡

蒼朮

猪苓已上各三分

吳茱萸

白茯苓

澤瀉已上各肆分

白豆蔻

炒麴已上各伍分

麻黃不去節伍錢

杏仁肆箇

右咬咀分作二服水二大盞半先煎麻黃令沸去

沫再入諸藥同煎至一盞去相稍熱食遠服

此證宿有風濕熱伏於榮血之中其木火乘於陽

道爲上盛元氣短少上喘爲陰火傷其氣四肢痿

在腎水之間乃所勝之病今正遇冬寒得時乘其

肝木又實其母肺金尅火凌木是大勝必有大復

其證善恐欠多嚏鼻中如有物不聞香臭目視眈

眈多悲健忘少腹急痛通身黃腹大脹面目腫尤

甚食不下痰唾涕有血目眦瘍大便不通並宜此

藥治之

升陽湯

一名升陽瀉濕湯

治膈咽不通逆氣裏急大便不行

青皮

槐子已上各貳分

生地黄

熟地黄

黃蘗已上各叁分

當歸身

甘草梢

已上各肆分

蒼朮

伍分

升麻

柒分

黃芪

壹錢

桃仁

拾箇另研

右咬咀如麻豆大都作一服入桃仁泥水二大盞煎至一盞去粗稍熱食前服

活血潤燥丸

治大便風秘血秘常常燥結

當歸梢

壹錢

防風

叁錢

大黃

濕紙畏煨

羌活

已上各壹兩

皂角仁

燒存性去皮壹兩伍錢其性得濕則滑濕滑則

燥結自除

桃仁

貳兩研如泥

麻仁

貳兩伍錢研如泥

右除麻仁桃仁另研如泥外為極細末煉蜜為丸

如梧桐子大每服五十九丸白湯下三兩服後須以蘇麻子粥每日早晚食之大便日久不能結燥也以磁器盛之紙封無令見風

潤腸湯

治大腸結燥不通

生地黄

生甘草

已上各二錢

大黃

煨

熟地黄

當歸梢

升麻

桃仁

麻仁

已上各壹錢

紅花

叁分

右咬咀水二盞煎至一盞去粗食遠溫服

小便淋閉門

小便淋閉論

難經云病有關有格關則不得小便又云關無出之謂皆邪熱爲病也分在氣在血而治之以渴與不渴而辨之如渴而小便不利者是熱在上焦肺之分故渴而小便不利也夫小便者是足太陽膀胱經所主也長生於申申者西方金也肺合于水若肺中有熱不能生水是絕其水之源經云虛則補其母宜清肺而滋其化源也故當從肺之分助其秋令水自生焉又如雨如露如霜皆從天而降下也乃陽中之陰明秋氣自天而降下也且藥有氣之薄者乃陽中之陰

是感秋清肅殺之氣而生可以補肺之不足淡味滲泄之藥是也茯苓澤瀉琥珀燈心通草車前子木通瞿麥扁蓄之類以清肺之氣泄其火資水之上源也如不渴而小便不通者熱在下焦血分故不渴而大燥小便不通也熱閉於下焦者腎也膀胱也乃陰中之陰陰受熱邪閉塞其流易上老云寒在胸中遏絕不入熱在下焦填塞不便須用感北方寒水之化氣味俱陰之藥以除其熱泄其閉塞內經云無陽則陰無以生無陰則陽無以化若服淡滲之藥其性乃陽中之陰非純陽之劑陽無以化何能補重陰之不足

也須用感地之水運而生太苦之味感天之寒藥而生大寒之氣此氣味俱陰乃陰中之陰也大寒之氣人稟之生膀胱寒水之運人感之生腎此藥能補腎與膀胱受陽中之陽熱火之邪而閉其下焦使小便不通也夫用大苦寒之藥治法當寒因熱用又云必伏其所主而先其所因其始則氣同其終則氣異也
通關丸 一名滋腎丸

治不渴而小便閉熱在下焦血分也

黃蘗 去皮剉 酒洗焙 知母 剉 酒洗焙 乾 肉桂 五分

右為細末熟水為丸如梧桐子大每服一百丸空

心白湯下填兩足令藥易下行故也如小便利前陰中如刀刺痛當有惡物下為驗

清肺飲子

治渴而小便閉澀不利邪熱在上焦氣分

燈心 壹分 通草 貳分 澤瀉

瞿麥 琥珀 已上各五分 扁蓄

木通 已上各柒分 車前子 炒壹錢 茯苓 去皮 貳錢

猪苓 去皮 叁錢

右為麤末每服五錢水一盞半煎至一盞稍熟食遠服或局方八正散五苓散亦宜服之

導氣除燥湯

治小便閉塞不通乃血澀至氣不通而竅澀也

茯苓 去皮 滑石 炒黃已上各貳錢 知母 細判酒洗

澤瀉 已上各參錢 黃蘗 去皮酒洗肆錢

右咬咀每服五錢水三盞煎至一盞去粗稍熱空

心服

如急閉不拘時服

腎疸湯

治腎疸目黃甚至渾身黃小便赤澀

羌活 防風 藁本

獨活

已上治腎疸目黃渾身黃

柴胡 已上各伍分 升麻 伍錢

白茯苓 貳分 澤瀉 參分 猪苓 肆分

白朮 伍分 蒼朮 壹錢

已上治小便赤澀

黃蘗 貳分 人參 參分 葛根 伍分

神麴 陸分 甘草 參錢

右剉如大豆大分作二服水三盞煎至一盞去粗

稍熟食前服

痔漏門

痔漏論

內經曰因而飽食筋脉橫解腸澼爲痔夫大腸庚也主津本性燥清肅殺之氣本位主收其所司行津以從足陽明旺則生化萬物者也足陽明爲中州之土若陽衰亦殞殺萬物故曰萬物生於土而歸於土者是也以手陽明大腸司其化焉旣在西方本位爲之害蜚司殺之府因飽食行房恐泄前陰之氣歸於大腸木乘火勢而侮燥金故火就燥也大便秘閉其疾甚者當以苦寒瀉火以辛溫和血潤燥踈風止痛是其治也以秦艽當歸梢和血潤燥以桃仁潤血以皂

角仁除風燥以地榆破血以枳實之苦寒補腎以下泄胃實以澤瀉之淡滲使氣歸於前陰以補清燥受胃之濕邪也白朮之苦甘以苦補燥氣之不足其甘味以瀉火而益元氣也故曰甘寒泄火乃假枳實之寒也古人用藥爲下焦如瀆又曰在下者引而竭之多爲大便秘澀以大黃推去之其津血益不足以當歸和血及油潤之劑大便自然輒利矣宜作剉湯以與之是下焦有熱以急治之之法也以地榆酸苦而壞胃故宿食消盡空心作丸服之

秦艽白朮丸

治痔疾并痔漏有膿血大便燥硬而作疼痛不可忍

秦艽 去芦

桃仁 湯浸去皮尖

皂角仁 燒存性各壹兩

當歸梢 酒浸

澤瀉

枳實 麩炒黃

白朮 已上各伍錢

地榆 叁錢

右為細末和桃仁泥研勻煎熟湯打麵糊為丸如雞頭仁大令藥光滑焙乾每服五七十九白湯下空心服待少時以美饅壓之忌生冷硬物冷水冷菜之類并濕麵酒及辣辛熱大料物之類犯之則藥無驗也

秦艽蒼朮湯

治痔疾若破謂之痔漏大便秘澀必作大痛此由風熱乘食飽不通氣逼大腸而作也受病者燥氣也為病者胃濕也胃刑大腸則化燥火以乘燥熱之實勝風附熱而來是濕熱風燥四氣而合故大腸頭成塊者濕也作大痛者風也若大便燥結者主病兼受火邪熱結不通也去此四者其西方肺主諸氣其體收下亦助病為邪須當破氣藥兼之治法全矣以劉湯與之其効如神

秦艽 去芦

桃仁 湯浸去皮另研 皂角仁 燒存性另研各壹錢

蒼朮 製

防風 已上各柴分

黃蘗 去皮酒洗伍分

當歸梢 酒洗

澤瀉 已上冬三分

梭身檳榔 壹分另研

大黃 少許雖大便過澀亦不可多用

右除檳榔桃仁皂角仁三味外餘藥以咀如麻豆

大都作一服水三盞煎至一盞二分去粗入檳榔

等三味末再上火煎至一盞空心熱服待少時以

美饅壓之不犯胃氣也服藥日忌生冷硬物及酒

濕麵大料物乾薑之類犯之則其藥無効

如有白膿加白葵花頭五朶去萼心青皮半錢不去

白入正藥中同煎木香三分為細末同檳榔等三

味依前煎服餌古人治此疾多以歲月除之此藥

一服則愈

七聖丸

治大腸疼痛不可忍叔和云積氣生於脾藏傍大

腸疼痛陣難當漸交稍瀉三焦火莫謾多方立紀

綱

羌活 壹兩

郁李仁 湯浸去皮另研壹兩伍錢

大黃 捌錢

檳榔 桂 去皮

木香

川芎 已上各伍錢

右除郁李仁另研入外共為細末煉蜜為丸如梧

桐子大每服三五十九白湯下食前取大便微利
一服而愈切禁不得多利大便其痛滋甚

秦艽防風湯

治痔漏每日大便時發疼痛如無疼痛者非痔漏
也此藥主之

秦艽

防風

當歸身

白朮

已上各壹錢伍分

炙甘草

澤瀉

已上各陸分

黃蘗

伍分

大黃煨

橘皮

已上各叁分

柴胡

升麻

已上各貳分

桃仁

叁拾箇

少許

右剉如麻豆大都作一服水三盞煎至一盞去粗
稍執空心服之避風寒忌房事酒濕麵大辛熱物
秦艽羌活湯

治痔漏成塊下垂不任其癢

羌活

壹錢貳分

秦艽

黃芪

已上各壹錢

防風

柒分

升麻

炙甘草

麻黃

柴胡

已上各伍分

藁本

叁分

細辛

少許

紅花

少許

右剉如麻豆大都作一服水二盞煎至一盞去粗
空心服之忌風寒處大小便

當歸郁李仁湯

治痔漏大便硬努出大腸頭下血苦痛不能忍

郁李仁

皂角仁已上各壹錢

枳實柒分

秦艽

麻仁

當歸梢

生地黄

蒼朮已上各伍分

大黃煨

澤瀉已上各叁分

右剉如麻豆大除皂角仁別為末水三盞煎至一

盞去粗入皂角仁末調空心食前服之忌如前

紅花桃仁湯

治痔漏經年因而飽食筋脉橫解腸澀為痔治法

當補北方瀉中央

黃蘗壹錢伍分

生地黄壹錢

澤瀉捌分

蒼朮陸分

當歸稍

漢防已

防風稍

褚芩已上各伍分

麻黃貳分

紅花半分

桃仁拾箇

右剉如麻豆大水三盞煎至一盞去粗稍熟食前

服之忌如前

秦艽當歸湯

治痔漏大便結燥疼痛

大黃煨肆錢

秦艽

枳實已上各壹錢

澤瀉

當歸梢

皂角仁

白朮

已上各五分

紅花

少許

桃仁

貳拾箇

右都作一服水三盞煎至一盞去粗食前熱服忌如前

陰痿陰汗門

陰痿陰汗及臊臭論

一富者前陰臊臭又因連日飲酒腹中不和求先師治之日夫前陰者足厥陰肝之脉絡循陰器出其挺末凡臭者心之所主散入五方為五臭入肝為臊此其一也當於肝經中瀉行間是治其本後於心經中

瀉少衝乃治其標如惡針當用藥除之酒者氣味俱陽能生裏之濕熱是風濕熱合於下焦為邪故經云下焦如瀆又云在下者引而竭之酒是濕熱之水亦宜決前陰以去之

龍膽瀉肝湯

治陰部時復熱痒及臊臭

柴胡梢

澤瀉

車前子

木通

已上各伍分

生地黄

當歸梢

草龍膽

已上各叁分

右判如麻豆大都作一服水三盞煎至一盞去粗

空心稍熱服便以美膳壓之此藥柴胡入肝為引
用澤瀉車前子木通淡滲之味利小便亦除臊氣
是名在下者引而竭之生地黃草龍膽之苦寒瀉
酒濕熱更兼車前子之類以撤肝中邪氣肝主血
用當歸以滋肝中血不足也

清震湯

治小便溺黃臊臭淋瀝兩丸如冰陰汗浸多

羌活

酒黃蘗已上各壹錢

升麻

柴胡

蒼朮

黃芩已上各伍分

澤瀉肆分

麻黃根

猪苓

防風已上各叁分

炙甘草

當歸身

藁本已上各貳分

紅花壹分

石剉如麻豆大都作一服水二盞煎至一盞去粗

臨卧服大忌酒濕麵

固真湯一名正元湯

治兩丸冷前陰痿弱陰汗如水小便後有餘滴尻
臀并前陰冷惡寒而喜熱膝下亦冷

升麻

羌活

柴胡已上各壹錢

炙甘草

草龍膽

澤瀉已上各壹錢伍分

黃蘗

知母已上各貳錢

右剉如麻豆大分作二服水二盞煎至一盞去相空心稍熱服以早飯壓之

清鬼湯 一名柴胡勝濕湯

治兩外腎冷兩髀陰汗前陰痿陰囊濕痒臊氣

柴胡 生甘草 酒黃蘗 已上各貳錢

升麻 澤瀉 已上各壹錢伍分 當歸梢

羌活 麻黃根 漢防已

草龍膽 茯苓 已上各壹錢 紅花 少許

五味子 貳拾箇

右剉如麻豆大分作二服水二盞煎至一盞去粗

食前稍熱服忌酒濕麵房事

椒粉散

治前陰兩丸濕痒痛秋冬甚夏月減

肉桂 貳分 小椒 當歸梢

猪苓 已上各三分 蛇床子 黑狗脊 已上各伍分

麻黃根 壹錢 輕粉 少許 紅花 少許

班猫 兩枚

右為末乾糝上避風寒冷濕處坐臥

補肝湯

治前陰冰冷并陰汗兩脚痿弱無力

黃芪 柴分

炙甘草 五分

升麻

猪苓 已上各四分

白茯苓

葛根

人參 已上各三分

柴胡

羌活

陳皮

連翹

當歸身

黃蘗 炒

澤瀉

蒼朮

麴末

知母

防風 已上各貳分

右剉如麻豆大都作一服水二大盞煎至一盞去

粗空心稍熱服忌酒濕麵

溫腎湯

治面色痿黃身黃脚痿弱無力陰汗

柴胡

麻黃根 已上各陸分

白茯苓

白朮

酒黃蘗

猪苓

升麻 已上各一錢

蒼朮

防風 已上各壹錢伍分

澤瀉 二錢

右分作二服每服水二大盞煎至一盞去粗食前

稍熱服一時辰許方食

延胡丁香丸 一名丁香茹氣丸

治臍下撮急疼痛并周身皆急痛小便頻數及五

脉急獨腎脉按之不急皆虛無力名曰腎痲

羌活 叁錢

當歸

茴香 已上各二錢

延胡索

麻黃根節

肉桂 已上各一錢

丁香

木香

甘草

川烏頭 已上各五分 防已 叁分

蠍 拾叁箇

右為細末酒煮麴糊為丸如雞頭大每服五十丸空心鹽白湯服

瀉痢門

訶子皮散

癸卯冬白樞判家一老僕回塵脫色神氣特弱病脫肛日久服藥未驗復下赤白膿痢作裏急後重白多赤少不任其苦以求其治曰此非肉食膏粱

必多蔬食或飲食不節天氣雖寒衣蓋猶薄不禁而腸頭脫下者寒也真氣不禁形質不收乃血滑脫也此乃寒涓氣泄不固故形質下脫也當以澀去其脫而除其滑微酸之味固氣上收以大熱之劑而除寒補陽以補氣之藥升陽益氣

御米殼

去帶萼蜜炒

橘皮

已上各五分

乾薑

炮陸分

訶子

煨去核柒分

右為細末都作一服水二盞煎至一盞和粗空心

熱服

升麻補胃湯

治宿有陽明血證因五月間大熱喫合腸澼下血
啣遠散漫如篩腰沉沉然腹中不痛血色紫黑病
名濕毒腸澼屬陽明少陽經血證也

白芍藥

壹錢五分

升麻

羌活

黃芪

已上各壹錢

生地黄

熟地黄

獨活

牡丹皮

炙甘草

柴胡

防風

已上各伍分

當歸身

葛根

已上各叁分

肉桂

少許

右剉如麻豆大分作二服每服水二盞煎至一盞
去相食前稍熱服

升陽去熱和血湯

治腸澼下血另作一派其血啣出有力而遠射四
散如篩腸中血下行腹中大作痛乃陽明氣衝熱
毒所作也當升陽去濕熱和血脉是其治也

橘皮

貳分

熟地黄

當歸身

蒼朮

秦艽

肉桂

已上各三分

生地黄

牡丹皮

生甘草

已上各伍分

升麻

七分

熟甘草

黃芪

已上各壹錢

白芍藥

壹錢五分

有咬咀都作一服水四盞煎至一盞去粗空心稍

熱服立刻

益智和中湯

治腸澼下血或血色紫黑腹中痛腹皮惡寒右手關脈弦按之無力而喜熱物熨之內寒明矣

肉桂 壹分

桂枝 肆分

牡丹皮

柴胡

葛根

益智仁

半夏 已上各伍分

當歸身

炙甘草

黃芪

升麻 已上各壹錢

白芍藥 壹錢伍分

乾薑 少許

右為麤末都作一服水三盞煎至一盞去粗食後

溫服

芍藥皮丸

治濕熱惡痢血痢頻併窘痛無問膿血並皆治之

芍藥

黃蘗 已上各壹兩

當歸

黃連 已上各伍錢

右為末飯為丸如雞頭大每服五七十九食前米飲湯下忌油膩酒濕麵等物

和中益胃湯

治太陰陽明腹痛大便常泄若不泄即秘而難見在後傳作濕熱毒下鮮紅血腹中微痛腸下急縮

脉緩而洪弦中之下得之按之空虚

蘇木 壹分

藁本

益智仁 已上各二分

熟地黄

炙甘草 已上各叁分

當歸身 四分

柴胡

升麻 已上各伍分

右咬咀都作一服水二盞煎至一盞去粗空心溫服

槐花散

治腸澼下血濕毒下血

川芎 四分

槐花

青皮

荆芥穗

熟地黄

白朮 已上各陸分

當歸身

升麻 已上各壹錢

右為細末每服三錢米飲湯調下食前忌酒濕麵生冷硬物

茯苓湯

治因傷冷飯水泄一夜走十行變作白痢次日其

痢赤白腹中疔痛減食熱躁四肢沉困無力

生黃芩 三分

當歸身 肆分

肉桂

炙甘草 已上各伍分

猪苓

茯苓 已上各陸分

澤瀉 壹錢

芍藥 壹錢伍分

蒼朮

生薑

升麻

柴胡 已上各貳錢

右咬咀如麻豆大分作二服每服水二盞煎至一盞去粗稍熟食前服之

黃芪補胃湯

治一日大便三四次澹而不多有時作泄腹中鳴小便黃

黃芪

柴胡

當歸身

益智

橘皮

已上各參分

升麻

陸分

炙甘草

貳錢

紅花

少許

右咬咀都作一服水二盞煎至一盞去粗稍熟食前服之

升陽除濕湯

自下而上者引而去之

蒼朮

壹錢

柴胡

羌活

防風

升麻

神麴

澤瀉

猪苓

已上各伍分

炙甘草

陳皮

麥蘖麴

已上各三分

右都作一服水二盞煎至一盞去粗空心服之

如胃寒腸鳴加益智仁半夏

各伍分

生薑三片棗一

枚同煎至非腸鳴不得用

人參益胃湯

入治頭悶勞動則微痛不喜飲食四肢怠惰躁熱短氣口不知味腹鳴大便微澹身體昏悶覺渴不喜冷物

黃芪

甘草

當歸梢

益智

人參

黃芩

柴胡

半夏

白朮

陳皮

升麻

蒼朮

紅花

升麻

蒼朮

右都作一服水二盞煎至一盞去粗稍熱食前服之

升麻補胃湯

治因內傷服牽牛大黃食藥泄瀉過多腹中痛

甘草

升麻

柴胡

草豆蔻

黃芪

半夏

當歸身

乾薑

紅花

右都作一服水二盞煎至一盞去粗稍熱食遠服之

瘡瘍門

散腫潰堅湯

治馬刀瘡結硬如石或在耳下至缺盆中或肩土

或於脇下皆手足少陽經中及瘰癧遍於頰或至頰車堅而不潰在足陽明經中所出或二證瘡已破流膿水並皆治之

黃芩

捌錢酒洗炒
一半生用一半

草龍膽

酒洗各
炒四遍

瓜蒌根

剉碎
酒洗

黃蘗

酒製

酒知母

桔梗

昆布

已上各
伍錢

柴胡

肆錢

炙甘草

京三稜

酒洗

廣茂

酒洗
炒

連翹

已上各
叁錢

葛根

白芍藥

當歸梢

黃連

已上各
貳錢

升麻

陸分

右咬咀每服六錢水二盞零八分先浸多半日煎

至一盞去粗食後熱服於卧處伸足在高處頭低

垂每含一口作十次嚥服畢依常安卧取藥在膈

上停蓄故也另攢半料作細末煉蜜為丸如菉豆

大每服百餘丸用此藥湯留一口送下或加海藻

五錢炒亦妙

升陽調經湯

治瘰癧連頸或至頰車此皆出足陽明胃經中來

若瘡深遠隱曲肉底是足少陰腎經中來乃戊脾

傳於癸腎是夫傳與妻俱作塊子堅硬大小不等

並皆治之或作丸亦可

升麻 捌錢

葛根

草龍膽 酒製

黃芩 酒製

廣茂 酒洗

京三稜 酒洗

炙甘草

黃連 酒洗

連翹

桔梗 已上各伍錢

生黃芩 肆錢

當歸梢

芍藥 已上各叁錢

黃蘗 酒洗 貳錢

知母 酒洗炒 壹兩

右另秤一半作末煉蜜為丸如菘豆大每服百餘丸一半作吹咀每服五錢若能食大便硬可旋加至七八錢水二盞先浸半日煎至一盞去粗臨卧熱服足高去枕仰卧噲一口作十次嚥之畱一口在後送下丸藥服畢其卧如常

連翹散堅湯

治耳下或至缺盆或肩upper生瘡堅硬如石動之無根名曰馬刀從手足少陽經中來也或生兩脇或已流膿作瘡未破並皆治之

柴胡 壹兩貳錢

草龍膽 酒洗 四次

土瓜根 酒製已上壹兩

黃芩 酒炒 貳次 柒錢

當歸梢

生黃芩

廣茂

京三稜 同廣茂 酒炒

連翹

芍藥 已上各伍錢

炙甘草 叁錢

黃連 酒炒 貳次

蒼朮 已上各二錢

右另秤一半為細末煉蜜為丸如菘豆大每服百

餘丸一半吹咀每服五錢水二盞先浸多半日煎至一盞去粗臨卧熱服去枕仰卧每口作十次嚥之雷一口送下丸藥服畢卧如常更以後藥塗之
龍泉散

龍泉粉炒

瓦粉

廣茂

京三稜酒洗

昆布已上各伍錢

右同為細末煎熟水調塗之用此藥去疾尤速
救苦化堅湯

治癰瘰馬刀挾瘦從耳下或耳後下頸至肩上或入缺盆中乃手足少陽之經分其癰瘰在頰下或

至頰車乃足陽明之經分受心脾之邪而作也今將二證合而治之

黃芪壹錢

護皮毛間腠理虛及活血脈生血亦瘡家聖藥也又能補表實元氣之弱也

人參叁分

補肺氣之藥也如氣短不調及喘者加之

炙甘草伍分

能調中和諸藥瀉火益胃氣亦能去瘡邪

真蒲蘆

升麻已上各壹錢

葛根伍分

此三味俱足陽明本經藥也

連翹 壹錢

此一味十二經瘡中之藥不可無也能散諸血結氣聚此瘡家之神藥也

牡丹皮 叁分

去腸胃中留滯宿血

當歸身

生地黄

熟地黄 已上各叁分

此三味諸經中和血生血涼血藥也

白芍藥 叁分

如夏月倍之其味酸其氣寒能補中益肺之

虛弱治腹中痛必用之冬寒則不可用

肉桂 貳分

大辛熱能散結積陰證瘡瘍須當少用之此寒因熱用之意又為寒陰覆蓋其瘡用大辛熱以消浮凍之氣如有煩躁者去之

柴胡 捌分

功同連翹如瘡不在少陽經則去之

黍粘子 叁分

無腫不用

羌活 壹錢

獨活

防風 已上各伍分

此三味必關手足太陽證脊痛項強不可迴
視腰似折項似拔者是也其防風一味辛溫
若瘡在膈已上雖無手足太陽經證亦當用
之為能散結去上部風邪病人身拘急者風
也

昆布 貳分

其味大鹹若瘡堅硬結硬者宜用鹹能軟堅

京三稜 煨貳分

廣茂 煨叁分

此二味若瘡堅硬甚者用之如不堅硬勿用

益智仁 貳分

如唾多者胃不和也或病人吐沫吐食胃上
寒者加之無則去之

大麥蘖麵 壹錢

治腹中縮急兼能消食補胃

神麴末 炒黃色 貳分

為食不消化故也

黃連 去鬚 叁分

以治煩悶

黃蘗 炒叁分

如有熱或腿脚無力加如有躁煩欲去衣者

腎中伏火也更宜加之無此證勿用

厚朴叁錢貳分薑製

如腹脹者加之無則勿用

右為細末湯浸餛餅和丸捻作餅子日乾搗如米粒大每服三錢白湯下

如氣不順加橘皮甚者加木香少許量病人虛實臨時斟酌與之無令藥多妨其飲食此治之大法也如止在陽明分為瘰癧者去柴胡黍粘子二味餘皆用之

如在少陽分為馬刀挾瘦者去獨活漏蘆升麻葛根

更加瞿麥穗三分

如本人素氣弱其病勢來時氣盛而不短促者不可

考其平素宜作氣盛而從病變之權也宜加黃芩

黃連黃蘗知母防已之類視邪氣在上中下三處

假令在上焦加黃芩半酒洗在中焦加黃連半生用在下焦則加酒製黃蘗知母防已之類選而

用之生用

如本人大便不通而滋其邪盛者加酒製大黃以利

如血燥而大便燥乾者加桃仁酒製大黃二味

如風結燥不行者加麻仁大黃

如風澀而大便不行加煨皂角仁大黃秦艽以利之
如脉澀覺身有氣澀而大便不通者加郁李仁大黃
以除氣燥也

如陰寒之病為寒結閉而大便不通以局方中半硫
丸或加煎附子乾薑水冷與之大抵用藥之法不
惟瘡瘍一說諸疾病量人素氣弱者當去苦寒之
藥多加人參黃芪甘草之類瀉火而先補其元氣
餘皆倣此

柴胡連翹湯

治男子婦人馬刀瘡

中桂 一分

當歸梢 一錢五分

黍粘子 一錢

炙甘草

酒黃蘗

生地黄 已上各三錢

柴胡

黃芩 炒

酒知母

連翹 已上各五錢

瞿麥穗 陸錢

右判如麻豆大每服五錢水二大盞煎至一盞去

粗稍熟食後服之

黍粘子湯

治耳痛生瘡

昆布

蘇木

生甘草

蒲黃

草龍膽 已上各一分

黍粘子

連翹

生地黄

當歸梢

黃芩

炙甘草

黃連已上各二分

柴胡

黃芪已上各三分

桔梗三錢

桃仁三箇

紅花少許

右剉如麻豆大都作一服水二盞煎至一盞去粗

稍熟食後服忌寒藥利大便

淨液湯一名連翹防風湯

治皮膚痒腋下瘡背上瘡耳聾耳鳴

桂枝二分

連翹

生地黄

桔梗

升麻

甘草已上各五分

當歸梢柒分

草豆蔻仁

羌活

防風

柴胡

蒼朮已上各一錢

酒黃芩一錢

紅花少許

右剉如麻豆大都作一服水二盞煎至一盞去粗

食後熱服

消腫湯

治馬刀瘡

黍粘子炒

黃連已上各五分

當歸梢

甘草已上各一錢

瓜蒌根

黃芪已上各一錢五分

生黃芩

柴胡已上各二錢

連翹三錢

紅花 少許

右吹咀每服五錢水二盞煎至一盞去粗稍熟食
後服忌酒濕麵

內托羌活湯

治足太陽經中左右尺脉俱緊按之無力尻臀生
癰堅硬腫痛大作

肉桂 三分

連翹

炙甘草

蒼朮

橘皮 已上各五分

當歸梢

防風

藁本 已上各一錢

黃芪 一錢五分

黃藥 酒製

羌活 已上各二錢

右吹咀都作一服水二盞酒一盞煎至一盞去粗
稍熱空心服以夾衣蓋癰上使藥力行罷去蓋之
衣

升麻托裏湯

治婦人兩乳間出黑頭瘡瘡頂陷下作黑眼子其
脉弦洪按之細小

黃藥 二分

肉桂 三分

黍粘子 伍分

黃芪

炙甘草

當歸身 已上各一錢

連翹

升麻

葛根 已上各一錢五分

右吹咀都作一服水一大盞酒半盞同煎至一盞

去粗稍熟食後服

內托黃芪湯

賈德茂小男於左大腿近膝股內出附骨癰不辨肉色漫腫皮澤木硬瘡勢甚大其左腳乃肝之髀立也更在足厥陰肝經之分少侵足太陰脾經之分其脉左三部細而弦按之洪緩微有力此藥主之

生地黄 一分

黃蘗 二分

肉桂 三分

羌活 伍分

當歸梢 柒分

土瓜根 酒製

柴胡梢 已上各一錢

連翹 一錢

黃芪 二錢

右咬咀都作一服酒一盞水二盞煎至一盞去粗

空心熱服

柴胡通經湯

治小兒項側有瘡堅而不潰名曰馬刀瘡

柴胡

連翹

當歸梢

生甘草

黃芩

黍粘子

京三稜

桔梗 已上各二分

黃連 伍分

紅花 少許

右剉如麻豆大都作一服水二大盞煎至一盞去粗稍熟食後服忌苦藥泄大便

白芷升麻湯

升老家素貧寒形志皆苦於手陽明大腸經分出
 癰幼小有癩疔其臂外皆腫痛在陽明左右寸脉
 皆短中得之俱弦按之洪緩有力此癰得自八風
 之變以脉斷之邪氣在表其證大小便如故飲食
 如常腹中和口知味知不在裏也不惡風寒止熱
 燥脉不浮知不在表也表裏既和邪氣在經脉之
 中內經云凝於經絡為瘡癰其癰出身半已上故
 風從上受之故知是入風之變為瘡者也故治其
 寒邪調其經脉中血氣使無凝滯而已

炙甘草 壹分

升麻

桔梗 已上各伍分

白芷 柒分

當歸梢

生地黄 已上各一錢

生黃芩 壹錢伍分

酒黃芩

連翹

黃芪 已上各二錢

中桂 少許

紅花 少許

右咬咀分作二服酒水各一大盞半同煎至一盞

去粗稍熱臨卧服一服而愈

保生救苦散

治火燒或熱油烙及脫肌肉者

生寒水石

大黃 火煨

黃蘗 油炒已上各等分

右為細末用油調塗之或乾用此藥塗之其痛立

止日近完復永無破傷風之患

一上散

治諸般疥癬必効

雄黃通明手呵破者

黑狗脊

蛇床子炒

熟硫黃已上各伍錢

寒水石陸錢

斑猫拾叁去翅足毛研碎

右另研雄黃硫黃寒水石如粉次入斑猫和蛇床子黑狗脊為細末同研勻先洗疥癬令湯透去痴油調手中擦熱以鼻中臭三兩次已上可一上即

愈

如痛甚及腫滿高起者加寒水石一倍

如不苦癢只加黑狗脊

如微癢只加蛇牀子

如瘡中有蟲加雄黃

如喜火灸湯浴者加硫黃

聖愈湯

治諸惡瘡血出多而心煩不安不得睡眠亡血故也以此藥主之

生地黃

熟地黃

川芎

人參已上各參分

當歸身

黃芪已上各伍分

右咬咀如麻豆大都作一服水二大盞煎至一盞

去粗稍熱無時服

獨聖散

治湯泡破火燒破瘡毒疼痛

生白礬

右為細末芝麻油調掃瘡破處不拘時候

黃芪肉桂柴胡酒煎湯

治附骨癰堅硬漫腫不辨肉色行步作痛按之大

痛

黃芪

當歸梢已上各二錢

柴胡一錢五分

黍粘子炒

連翹

肉桂已上各一錢

升麻柒分

炙甘草

黃蘗已上各伍分

右以咀好糯酒一大盞半水一大盞半同煎至一

大盞去粗空心溫服少時便以早飯壓之不致大

熱上攻中上二焦也

雜病門

必神丸

治心神煩亂怔忡兀兀欲吐胸中氣亂而熱有似

懊懣之狀皆膈上血中伏火蒸蒸然不安宜用權

衡法以鎮陰火之浮越以養上焦之元氣經云熱

淫所勝治以甘寒以苦瀉之以黃連之苦寒去心

煩除濕熱為君以甘草生地黃之甘寒瀉火補氣
滋生陰血為臣以當歸補血不足以硃砂納浮雷
之火而安神明也

黃連 壹錢伍分酒洗

硃砂 壹錢水飛

酒生地黃

酒當歸身

炙甘草 已上各伍分

右件除硃砂水飛外搗四味為細末同和勻湯浸
餅為丸如黍米大每服十五丸津唾嚥下食後
硃砂安神丸

治心煩懊懷心亂怔忡上熱胸中氣亂心下痞悶
食入反出

硃砂 肆錢

黃連 伍錢

生甘草 貳錢伍分

右為末湯浸餅為丸如黍米大每服十五丸食後
津唾嚥下

補氣湯

治皮膚間有麻木乃肝氣不行故也

白芍藥

橘皮 不去白各壹兩伍錢 炙甘草

黃芪 已上各壹兩

澤瀉 伍錢

右咬咀每服一兩水二盞煎至一盞去粗溫服

當歸補血湯

治婦人肌熱躁熱目赤面紅煩渴引飲晝夜不息

其脉洪大而虛重按全無內經曰脉虛血虛脉實
血實又云血虛發熱證象白虎惟脉不長實為辯
也若悞服白虎湯必死此病得之於肌困勞役

黃芪 壹兩

當歸身 貳錢 酒製

右咬咀都作一服水二盞煎至一盞去粗稍熱空
心服

柴胡升麻湯

治男子婦人四肢發熱肌熱筋骨熱表熱如火燎
以手捫之烙人手夫四肢者屬脾土也熱伏地中
此病多因血虛而得之又有胃虛過食冷物鬱遏

陽氣於脾土之中此藥主之

升麻

葛

羌活

炙甘草

生甘草 二錢

右咬咀每服五錢水

忌寒冷之物

火鬱湯

治五心煩熱是火鬱於地中

下陷於脾土之中鬱而不得伸

已上各
伍錢
一錢
伍分

粗熱服

心火

發

之

升麻

葛根

柴胡

白芍藥

已上各一兩

防風

甘草

右咬咀每服五錢水二大盞入連鬚葱白

可煎

至一盞去粗稍熱不拘時候服

小黃丸

化痰涎和胃氣除濕治胸中不利

黃芩

一兩

半夏

湯薑製

白朮

已上各伍錢

陳皮

青皮

去白

黃芪

已上各三錢

澤瀉

二錢

乾薑

一錢五分

右為末湯浸餗餅為丸如菉豆大每服五十丸食遠溫水下

黃芩利膈丸

除胸中熱利膈上痰

生黃芩

炒黃芩

已上各一兩

半夏

黃連

澤瀉

已上各伍錢

南星

枳殼

陳皮

已上各三錢

白朮

二錢

白礬

伍分

右為末湯浸餗餅為丸如梧桐子大每服三五十丸食遠溫水下忌酒濕麵

補益腎肝丸

治目中流火視物昏花耳聾耳鳴困倦乏力寢汗惡風行步不正兩足軟側卧而多驚脚膝無力腰以下消瘦

柴胡

羌活

生地黄

苦參炒

防已

附子

肉桂

當歸身

右為細末熟水為丸如雞頭仁大每服五十九食

前溫水下

太陽經噎藥

防風二分

羌活三分

紅豆二角

右為細末鼻內噴之

麻黃菜黃湯

治胸中痛頭痛食減少咽嗑不利右寸脈弦急

麻黃

羌活

吳茱萸

黃芪

升麻

黃芩

當歸

黃蘗

藜蘆

川芎

蔓荊子

柴胡

蒼朮

黃連

半夏

細辛

紅花

右剉如麻豆大都作一服水二盞煎至一盞去粗
稍熱服食後

黃芪湯

治表虛惡風寒

黃芪 伍錢

甘草 三錢

香白芷 二錢

藁本

升麻 已上各一錢

草豆蔻

橘皮

已上各一錢

麻黃

當歸身 已上各一錢

蓮花青皮

七分 柴胡 六分

黃蘗 少許

右咬咀每服五錢水二盞煎至一盞去粗不拘時服

除濕補氣湯

一名清神補氣湯

治兩腿麻木沉重無力多汗喜笑口中涎下身重
如山語聲不出右寸脉洪大

升麻 六錢

蒼朮 四錢

酒黃蘗

柴胡

黃芪 已上各三錢

酒知母

藁本

生甘草

當歸 已上各二錢

五味子

陳皮

已上各一錢五分

右剉如麻豆大每服五錢水二盞煎至一盞去粗
空心服之待少時以早飯壓之

參歸湯

補氣血俱不足

黃芪 七分

甘草

生地黄 已上各五分

柴胡

草豆蔻仁

升麻 已上各四分

當歸身 三分

熟地黄

人參 已上各二分

益智仁 少許

紅花 少許

右判如麻豆大都作一服水二盞煎至一盞去粗食遠服

升陽湯

治陽躄癩疾足太陽經寒恐則氣下行宜升陽氣

炙甘草 伍錢

麻黃 節不去

防風 已上各八錢

羌活 壹兩伍錢

右咬咀每服五錢水二盞煎至一盞去粗稍熟空心服之

自汗門

自汗論

或問濕之與汗為陰乎為陽乎曰西南坤土也在人則為脾胃也人之汗猶天地之雨也陰滋其濕則為霧露為雨也陰濕下行地之氣也汗多則亡陽陽去則陰勝也甚為寒中濕勝則音聲如從瓮中出濕若中水也相法家有說土音如居深瓮裏言其壅也遠

中水也相法家有說土音如居深瓮裏言其壅也遠

也不出也以明其濕審矣又知此二者亦為陰寒也
 內經云氣虛則外寒雖見熱中蒸蒸為汗終傳大寒
 知始為熱中表虛亡陽不任外寒終傳寒中多成痺
 寒矣色以候天脉以候地形者乃候地之陰陽也故
 以脉氣候之皆有形無形之可見者也
 調衛湯

治濕勝自汗補衛氣虛弱表虛不任風寒

黃芪

麻黃根

已上各壹錢

羌活

柒分

生甘草

當歸梢

生黃芩

半夏

薑製已上各伍分

麥門冬

生地黄

已上各叁分

猪苓

貳分

蘇木

紅花

已上各壹分

五味子

柒箇

右剉如麻豆大都作一服水二盞煎至一盞去粗

稍熱服

中風證必自汗不得重發其汗

清燥湯

治六月七月間濕令大行子能令母實而熱旺濕
 熱相合必刑庚大腸寒冷以救之燥金受濕熱之
 邪絕寒水生化之源源絕則腎虧痿厥之病大作
 腰已下痿軟癱瘓不能動行步不正兩足欹側此

藥主之

黃芪 壹錢 伍分

橘皮

白朮

澤瀉 伍分 上各

人參

白茯苓

升麻 叁分 上各

炙甘草

麥門冬

當歸身

生地黄

神麴末

猪苓 貳分 上各

柴胡

酒黃蘗

黃連

蒼朮 壹分 上各

五味子 玖箇

右到如麻豆大每服五錢水二盞煎至一盞去粗空心熱服

當歸六黃湯

治盜汗之聖藥也

當歸

生地黄

熟地黄

黃蘗

黃芩

黃連 已上各等分

黃芪 加倍

右為麤末每服五錢水二盞煎至一盞食前服小兒減半服之

紅豆散

治頭重如山此濕氣在頭也

麻黃根 炒伍錢

苦丁香 伍分

羌活 炒

連翹 炒已上各叁分

紅豆 拾箇

右爲細末鼻內噴之

治血通經湯

靈壽縣董監軍癸卯冬大雪時因事到真定忽覺有風氣暴至診候得六脉俱弦甚按之洪實有力其證手攣急大便秘澀面赤熱此風寒始至加於身也四肢者脾也以風寒之邪傷之則搐急而攣痺乃風淫末疾而寒在外也內經曰寒則筋攣正謂此也本人素飲酒內有實熱乘於腸胃之間故大便秘澀而面赤熱內則手足陽明受邪外則足太陰脾經受風寒之邪用桂枝甘草以却其寒邪

而緩其急搐又以黃蘗之苦寒滑以瀉實而潤燥急救腎水用升麻葛根以升陽氣行手足陽明之經不令遏絕更以桂枝辛熱入手陽明之經爲引用潤燥復以芍藥甘草專補脾氣使不受風寒之邪而退木邪專益肺金也加人參以補元氣爲之輔佐加當歸身去裏急而和血潤燥此藥主之

芍藥 伍分

升麻

葛根

人參

當歸身

炙甘草

已上各壹錢

酒黃蘗

桂枝

已上各貳錢

右剉如麻豆大都作一服水二大盞煎至一盞熱

服不拘時令暖房中近火摩搓其手
瀉榮湯
治癘風滿面連頭極癢不任眉毛脫落先砭其處

令惡氣消盡後服此藥

連翹 已上各 升麻 已上各 桔梗 伍分

生黃芩 生地黄 已上各 黃芪

蘇木 黃連 地龍

全蠍 當歸 已上各 白豆蔻

人參 已上各 甘草 一分 梧桐淚 一分

麝香 少許 桃仁 三箇 蜜蟲 去翅足炒三箇

水蛭 參箇炒 令烟盡

右判如麻豆大除連翹梧桐淚白豆蔻另為細末
麝香蜜蟲水蛭三味同為細末都作一服水二盞
酒一盞入連翹煎至一盞去粗再入白豆蔻二味
并麝香等再煎至七分稍熱早飯後午前服之忌
酒濕麵生冷硬物

人參益氣湯

治兩手指麻木四肢困倦怠惰嗜卧乃熱傷元氣也

黃芪 捌錢 生甘草 人參 已上各 伍錢

白芍藥 叁錢

柴胡 貳錢伍分

炙甘草

升麻 已上各貳錢

五味子 壹百肆拾箇

右咬咀分作四服每服水二盞煎至一盞去粗稍

熱食遠服

導氣湯

治兩腿麻木沉重

黃芪 捌錢

甘草 陸錢

青皮 肆錢

升麻

柴胡

當歸梢

澤瀉 已上各貳錢

橘皮 壹錢

紅花

五味子 壹百貳拾箇

右咬咀分作四服每服水二大盞煎至一盞去粗食前熱服

補中湯

治面黃汗多目赤四肢沉重減食腹中時時痛嗽

嗽兩手寸脉短右手脉弦細兼澀關脉虛

升麻

柴胡

當歸 已上各貳分

神麴 叁分炒

澤瀉 肆分

大麥蘖麴

蒼朮 已上各伍分

黃芪 貳錢伍分

炙甘草 捌分

紅花 少許

五味子 貳拾箇

右咬咀分作二服水二盞煎至一盞去粗食遠服

麻黃蒼朮湯

治秋冬每夜五更嗽連聲不絕乃至天曉日高方
緩口苦兩脇下痛心下痞悶卧而多驚筋攣肢節
疼痛痰唾涎沫日晚神昏呵欠不進飲食

麻黃 捌錢

蒼朮 伍錢

黃芪 壹錢

草豆蔻 陸分

柴胡

羌活 已上各 伍分

生甘草

當歸梢

防風 已上各 肆分

炙甘草

黃芩 已上各 叁分

五味子 玖箇

右咬咀分作二服水二盞煎至一盞稍熱臨卧服

上清湯

清利頭目寬快胸膈

人參

蔓荆子 已上各 伍分 防風 壹錢

葛根 壹錢 伍分

黃芪 叁錢 甘草 肆錢

右咬咀分作二服水二盞煎至一盞去粗臨卧熱

服以夾衣蓋覆不語須臾汗出為効

木桂湯 一名麻黃蒼朮湯

治寒濕所客身體沉重胃脘痛面色痿黃

蒼朮 貳錢

麻黃

炒神翅

橘皮

白茯苓

澤瀉 已上各 壹錢

桂枝

半夏

草豆蔻仁

猪苓 已上各五分

黄芪 叁分

炙甘草 貳分

杏仁 拾箇

右都作一服水二盞生薑五片煎至一盞去粗食

前熱服

正氣湯

治盜汗

炒黃蘗

炒知母

已上各錢伍分

炙甘草 伍分

右為麤末作一服水二盞煎至一盞食前溫服

越痛丸

治打撲閃損腰痛不可忍

乳香

沒藥 各錢

白蒿苣子

壹兩 炒黃

烏梅

壹箇

白粟米

右為細末煉蜜為丸如彈子大每服一九細嚼溫

酒空心下

退熱湯

治表中虛熱或過夜則甚

黃芪

壹錢

柴胡

柒分

生甘草

黃連

酒製

黃芩

芍藥

地骨皮

生地黄

去血 熟

蒼朮

已上各五分

當歸身

升麻

已上各叁分

右咬咀作一服水二盞煎至一盞去粗食遠溫服

如身體力困者加麥門冬五味子已上各五分人參甘草

已上各壹錢

解表升麻湯

治遍身壯熱骨節疼痛

升麻

羌活

蒼朮已上各壹錢

防風捌分

柴胡

甘草已上各柒分

當歸

藁本已上各伍分

橘皮叁分

冬加麻黃節不去春加麻黃去節

右咬咀作一服水二盞煎至一盞去粗溫服後以

葱醋湯發之得微汗為効

天麻黃芪湯

治表有風證因連日酣飲其證復來右口角并眼

頗有側視及左手左脚腿麻木疼痛

天麻

芍藥

神麴炒

羌活肢節不痛去之

茯苓已上各叁分

人參

黃連已上各肆分

當歸伍分

黃芪

甘草

升麻

葛根

黃蘗

蒼朮已上各陸分

澤瀉柒分

柴胡玖分

右咬咀作一服水三盞煎至一盞去粗食遠溫服

或加猪苓 陸分

健步丸

治膝中無力伸而不得屈屈而不能伸腰背腿膝
沉重行步艱難

防已 酒洗 壹兩

羌活

柴胡

滑石 炒

炙甘草

瓜蒌根 酒洗已 上伍錢

澤瀉

防風 已上各 叁錢

苦參 酒洗

川烏 已上各 壹錢

肉桂 伍分

右為細末酒糊為丸如梧桐子大每服七十丸煎
愈風湯下空心服

白木除濕湯

治午後發熱背惡風四肢沉重小便或多或少黃
色此藥又治汗後發熱

白木 壹兩

生地黄 炒

地骨皮

澤瀉

知母 已上各 柒錢

赤茯苓

人參

炙甘草

柴胡 已上各 伍錢

右為麤末每服五錢水二盞煎至一盞去粗食遠

溫服

如小便快利減茯苓澤瀉 一半

如有刺痛一料藥中加當歸身 酒洗 柒錢

加味四君子湯

治久瘧熱多寒少不止

白朮

白茯苓

人參

甘草

柴胡

薄荷葉

黃芩已上各等分

右以咀每服五錢水二盞生薑三片棗一枚煎至一盞去粗不拘時候服

瀉血湯

治發熱晝少而夜多大陽膀胱血中浮熱微有氣也夜病則在血是足太陽膀胱血中浮熱微有氣也

既病人大小便如常知邪氣不在臟腑是無裏證也外無惡寒知邪氣不在表也有時而發有時而止知邪氣不在表不在裏知在經絡也夜發多而晝發少是邪氣下陷之深也此雜證當從熱入血室而論之

生地黄酒洗

熟地黄

蒲黃

丹參酒炒

當歸酒洗去土

漢防已酒洗

柴胡去芦

甘草梢炙

羌活已上各壹兩

桃仁去皮叁錢湯浸

右為麤末每服五錢水一盞半煎至一盞去粗空

心溫服

洗面藥

浴面有黥黥或生瘡或生座痛及粉刺之類并去皮膚燥癢去垢膩潤澤肌膚

皂角

叁斤去皮

好升麻

捌兩

楮實子

伍兩

白芨

壹兩細剉

甘松

柒錢

縮砂

連皮

白丁香

臘月收

三柰子

已上各伍分

捌合揀淨

糯米

壹升貳合

右為細末用之如常

瑩肌如玉散

白丁香

白芨

白牽牛

白欽

已上各壹兩

白芷

柒錢

當歸梢

白蒺藜

升麻

已上各伍錢

白茯苓

楮實子

已上各叁錢

麻黃

去節貳錢

白附子

連翹

已上各壹錢伍分

小椒

壹錢

右為細末用之如常

面油摩風膏

麻黃

升麻

去黑皮

防風

已上各貳錢

羌活

去皮

當歸身

白芨

白檀

已上各壹錢

右用小油半斤以銀器中熬綿包定前藥於油中熬之得所澄淨去粗入黃蠟一兩再熬之為度

小兒門

治驚論

外物驚宜鎮心以黃連安神丸若氣動所驚宜寒水石安神丸大忌防風丸治風辛溫之藥必殺人何也辛散浮溫熱者火也能令母實助風之氣盛皆殺人也因驚而泄青色先鎮肝以硃砂之類勿用寒涼之氣大禁涼驚丸風木旺必克脾胃當先實其土後瀉其木閻孝忠編集錢氏方以益黃補土悞矣其藥有

丁香辛熱助火火旺土愈虛矣青橘皮瀉肺金丁香辛熱大瀉肺與大腸脾實當瀉子令脾胃虛反更瀉子而助火重虛其土殺人無疑矣其風木旺證右關脉洪大掌中熱腹皮熱豈可以助火瀉金如寒水來乘脾土其病嘔吐腹痛瀉痢青白益黃散聖藥也今立一方先瀉火補金大補其土是為神治之法

黃芪湯

黃芪 貳錢

人參 壹錢

炙甘草 伍分

右以咀作一服水一大盞煎至半盞去粗食遠服加白芍藥尤妙

此三味皆甘溫能補元氣甘能瀉火內經云熱淫于內以甘瀉之以酸收之白芍藥酸寒寒能瀉火酸味能瀉肝而大補肺金所補得金土之位大旺火虛風木何由而來尅土然後瀉風之邪

夫益黃散理中丸養神丸之類皆治脾胃寒濕太盛神品之藥也若得脾胃中伏熱火勞役不足之證及服熱藥巴豆之類胃虛而成慢驚之證用之必傷人命夫慢驚風者皆由久瀉脾胃虛而生也錢氏以羌活膏療慢驚風悟矣脾虛者由火邪乘其土位故曰從後來者為虛邪火旺能奪其木木

旺故來尅土當於心經中以甘溫補土之源更於脾土中瀉火以甘寒更於脾土中補金以酸涼致脾土中金旺火衰風木自虛矣損食多進藥愈前藥是也

益黃散

治胃中風熱

黃芪 貳錢

陳皮 去白

人參 已上各壹錢

芍藥 柒分

生甘草

熟甘草 已上各伍分

黃連 少許

右為細末每服二錢水一盞煎至五分食前服

升陽益血湯

二月間有一小兒未滿一百日病腹脹二日大便
一度瘦弱身黃色宜升陽氣滋血益血補血利大
便

蠟梢貳分

神麴末

升麻已上各參分

當歸

厚朴已上壹錢

桃仁拾箇

右都作一服水一大盞煎至半盞去粗食遠熱服

厚腸丸

治小兒失乳以食餉之未有食腸不能尅化或生
腹脹四肢瘦弱或痢色無常

厚朴

青皮已上各貳分

橘紅

半夏

蒼朮

人參已上各參分

枳實

麥蘖麵

神麴末已上各伍分

右為極細末水煮麵糊為丸如麻子大每服二十
丸溫水送下食前忌飽食

補陽湯

時初冬一小兒二歲大寒證明堂青脉額上青黑
腦後青絡高起舌上白滑喉鳴而喘大便微青耳
尖冷目中常常淚下仍多眵胸中不利卧而多驚
無搐則寒

黃蘗

橘皮

葛根

連翹

蠟梢

炙甘草

已上各壹分

升麻

黃芪

柴胡

已上各貳分

當歸身

麻黃

已上各叁分

吳茱萸

生地黄

地龍

已上各伍分

右咬咀都作一服水一大盞半煎至六分去粗乳

食後熱服服藥之後添喜笑精神出氣和順乳食

旺

大蕪黃湯

一名梔子茯苓湯

治黃疳土色為熱為濕當小便不利今反利知黃

色為燥胃經中大熱髮黃脫落知膀胱與腎俱受

土邪乃大濕熱之證鼻下斷作瘡者上逆行榮氣

伏火也能乳者胃中有熱也寒則食不入喜食土

者胃不足也面黑色者為寒為痺大便青寒褐色

血黑色熱畜血中間黃色腸中有熱治法當滋榮

潤燥除寒熱致津液

防風

黃連

已上各壹分

黃蘗

炙甘草

麻黃

不去根節

羌活

已上各貳分

山梔子仁

柴胡

茯苓

已上各叁分

當歸

肆分

大蕪黃

白朮

已上各伍分

右剉如麻豆大都作一服用水一大盞半煎至六分去粗食前稍熱服

場氣退黃湯 一名茯苓滲濕湯

治小兒面色痿黃腹臌脹食不能下

白朮 已上各 柴胡 已上各 升麻 壹分

桂枝 麻黃 吳茱萸

厚朴 羌活 草豆蔻

神麴末 蒼朮 澤瀉

白茯苓 猪苓 黃蘗

橘紅 已上各 青皮 黃連 已上各

杏仁 貳箇

右都作一服水一大盞煎至一盞去粗食前溫服

中滿分消丸

枳實 黃連 去鬚 厚朴 已上各

生薑 薑黃 猪苓 已上各

橘皮 甘草 白朮 已上各

砂仁 澤瀉 茯苓 已上各

半夏 肆錢 黃芩 壹兩貳錢

右為細末湯浸餅為丸如黍米大每服三五十

丸溫水下

消痞丸

黃連 伍錢

黃芩 貳錢

厚朴 柒分

葛黃 伍分

乾生薑

人參 已上各肆分

甘草 叁分

枳實 貳分

橘皮 壹分

右為細末湯浸餠為丸如黍米大每服三十九
隨乳下

癩疹論

夫癩疹始出之證必先見面燥腮赤目胞赤赤呵欠
煩悶乍涼乍熱咳嗽嚏噴足稍冷多睡驚並瘡疹之
證或生膿胞或生小紅癩或生癩疹此三等不同何

故俱顯上證而後乃出蓋以上諸證皆太陽寒水起
於右腎之下煎熬左腎足太陽膀胱寒水夾脊逆流
上頭下額逆手太陽丙火不得傳導逆於面上故顯
是證蓋壬癸寒水尅丙丁熱火故也諸癩證皆從寒
水逆流而作也醫者當知此理乃敢用藥夫胞者一
名赤宮一名丹田一名命門主男子藏精施化婦人
繫胞有孕俱為生化之源非五行也非水亦非火此
天地之異名也象坤土之生萬物也夫人之始生也
血海始淨一日二日精勝其血則為男子三日四日
五日血脈已旺精不勝血則為女子二物相搏長生

先身謂之神又謂之精道釋二門言之本來面目是也其子在腹中十月之間隨母呼吸呼吸者陽氣也而生動作滋益精氣神饑則食母血渴則飲母血兒隨日長皮肉筋骨血脈形氣俱足十月降生口中尚有惡血啼聲一發隨吸而下此惡血復歸命門胞中僻於一隅伏而不發直至因內傷乳食濕熱之氣下流合於腎中二火交攻致榮氣不從逆於肉理惡血乃發諸癩疹皆出於膀胱壬水其瘍後聚肉理歸於陽明故三番癩始顯之證皆足太陽壬膀胱越病小腸其始出皆見於面終歸於陽明肉理熱化為膿者

也二火熾甚反勝寒水遍身俱出此皆出從足太陽傳變中來也當外發寒邪使令消散內瀉二火不令交攻其中令濕氣上歸復其本位可一二服立已仍令小兒以後再無二番癩出之患此內經之法覽者詳之

消毒救苦散

治癩證悉具消化便令不出如已出希者再不生癩

防風

羌活

麻黃根

升麻

生地黄

連翹

初出者減出大者加

酒黃蘗已上各五分 當歸身

黃連已上各五分

川芎

藁本

柴胡

葛根

酒黃芩

生黃芩

蒼朮已上各二分

細辛

生甘草

白朮

陳皮

蘇木

紅花已上各壹分

吳茱萸半分

右剉如麻豆大每服五錢水二大盞煎至一盞去

祖稍熱空心服

夫癩疹出者皆因內傷必出癩米氣逆故也大禁牽牛巴豆食藥宜以半夏枳木大黃益智仁之類去

其青瀉止其吐若耳尖冷呵欠睡中驚噫噴眼澀

知必出癩也諸大膿泡小水癩疹癩三色皆榮氣

逆而寒復其表宜以四味升麻湯中加當歸其連

翹此定法也

如肺成膿癩先嗽喘或氣高而喘促加人參少加黃

芩以瀉伏火而補元氣

如心出小紅癩必先見噤乾驚悸身熱肌肉腫脉弦

洪少加黃連

如命門出癩疹必先骨疼身熱其疼痛不敢動搖少

加生地黃又加黃蘗諸癩疹皆為陰證瘡須皆因

內傷飲食脾胃不足榮氣逆行雖大熱內熾陰覆
其外治法如前

辯小兒癩證

呵欠

嚏噴

睡中發驚

或耳尖冷

眼澀

或辯復食

口熱

或口醋氣

妳辯不消

或腹中痛

如癩證少具其癩未發乃與升麻湯三五錢帶熱服
之待身表溫和癩疹已顯服藥乃止

如其身涼其癩未出辯得是癩證無間服數直候身
表溫和及癩瘡已顯然後乃止只時時與桔梗湯
寬胸膈利咽喉

桔梗湯

如癩已出只時時與之快咽喉寬利胸膈

桔梗 貳錢

甘草 壹錢

右為麤末每服三錢水一大盞煎至六分去粗大
溫時時服之不可計服數

如見傷食證又見癩證先與不犯大黃巴豆藥剋化
過再與升麻湯

如食重傷前藥不能過再與犯大黃巴豆藥過
如大便行當即便與升麻湯服之恐痲子內陷已後
臨時作罪過

如痲子已出稠密身表熱急與下項
黍粘子湯

如痲子已出稠密身表熱急與此藥服之防後青
乾黑陷

黍粘子 炒香

當歸身 酒洗

炙甘草 已上各壹錢

柴胡

連翹

黃芪

黃芩 已上各壹錢五分

地骨皮 已上各貳錢

右同為麤末每服二錢水一大盞煎至六分去粗
溫服腹空服藥畢日仕與乳食

麻黃柴胡升麻湯

治小兒寒鬱而喘喉鳴腹中鳴腹滿鼻流清涕脉
沉急而數

麻黃

草豆蔻仁

益智仁 已上各錢伍分

吳茱萸

厚朴 已上各貳分

當歸梢

甘草

柴胡

生黃芩 已上各壹分

升麻

神麴

蘇木 已上各半分

全蠍 貳箇

紅花 少許

右劉如麻豆大分作二服水一大盞煎至七分食
遠服忌風寒微有汗則効

